

宋

會

要

宋會要

樞密院承旨司有樞密都承旨副都承旨又有樞密院

副承旨之名皆不備置常以一員通書諸房公事

五代

有承旨副承旨以諸衛將軍充每歲改臨又別置

兵房副承旨二人史房戶房禮房副承旨各一人主事

八人主事已上並帶正令史二十五人書令史三十四

人兵房主事二人令史十三人書令史二十人分掌之

房掌門祇候以上遷補之名籍三公府卿迎受恩命

及賊盜之事主事一人令史三人書令史五人分掌之

戶房掌金銀錢糧出入之令史一人書令史五人分掌之

主事以下專掌之主事以下初命者錄銀錢司其給使

則左右押衙左右副知客各一人承引官行首一人副

行首一人承引官四人軍將十人

至左押節五員
年補供奉官

大程

官百人

有都頭十將
副將之名

東西二厨食手二十八人

太宗

太平興國七年四月以翰林副使管勾供奉官殿直文

班承制公事楊守一為西上閤門使充樞密都承旨樞

密承旨加都字自守一始也

淳化四年六月以樞密

院禮房副承旨段延禧為武勝軍節度行軍司馬先是

諸房主事歲久多拔雄望州上佐仍勒留但賦祿而已

延禧以老病出為蕩鎮上佐優之也

至道二年十一

月詔曰引進使周瑩洛苑使劉承珪荐升軒陛屢易災

涼茂著歲猷播在朝野朕向者授之成算咸董偏師靜

克靈於西陸走捷聲於北關春茲亮節宜示寵章俾分

掌於事權仍並遷於使額凡干重務一以委之內則兼
密勿之司外則摠登聞之任懲奸去弊振領提綱爾其
明聽朕言各揚其職勉思盡瘁勿忘訓詞瑩可答省使
簽書提點宣徽院諸房公事承珪可六宅使同簽書樞
密院宣徽院諸房公事並兼提舉司登聞院事 三年
瑩為宣徽北院使承珪遂止簽書宣徽院兼提舉鼓司
事 真宗咸平元年十月以引進使恩州刺史王繼英
為左神武軍大將軍樞密都承旨又以樞密院兵房副
承旨張質為樞密副都承旨左監門衛將軍 景德三
年六月御崇政殿閱試樞密院主事而下先取外方待
報奏狀三條令詳決之命樞密副都承旨左監門衛將

軍張質禮房副承旨尹德潤宿御書院考第以聞凡合格者主事邵文昭王繼凝王元祐徐繼和並遷逐房副承旨令史潘正儀等八人遷逐房主事書令史刑德為守闕主事毛元等十二人遷令史餘增衣賜有差又以吏房副承旨王繼芳為供備庫副使帶舊請受又以不合格人主事李預為內殿崇班馮處正文翰闕處文並為東頭供奉官令史趙從賞為西頭供奉官盧延訥左班殿直於國昌等二人右班殿直並外路差遣各給見錢書令史李仲膺等八人與三班奉職亦給見錢李預趙從賞在職歲久故特優之人賜馬一疋擢張質為左屯衛大將軍加俸依前充職尹德潤為左領軍衛將

軍樞密院諸房副承旨先是止用入仕歲月第補未嘗較其材藝有遣至主事而惜其職守者真宗以樞庭政令所出籍其明習周謹故特選較焉 四年七月詔諸路轉運各上所部山川形勢地里遠近朝廷屯戍軍馬支移租賦之數召翰林畫工為圖納樞密院以備檢閱大中祥符四年六月知樞密院王欽若言本院諸房所請歛州表紙自大中祥符元年後置厯拘管令支使外剩十一萬八千三百張望下三司住支一年及於本州減造從之又遣中使就院宣諭副都承旨張質已下就太平興國寺賜御筵時帝以歛州歲供大紙其數甚多頗勞民思有以寬之欽若等因有是奏 九年正月

補樞密院守闕主事馬崇素為西頭供奉官閤門祇候
書令史馬崇至為左班殿直馬崇慶為右班殿直貼房
馬用和為階職崇素等並張旻真族是時為副使陳乞
特恩也 天禧四年六月詔樞密院凡給賜錢銀每季
進納數目劄子自今歲作一冊進內 仁宗天聖六年
十一月兵房主事李則趙兼度歲久當遷詔以則為吏
房副承旨兼度為禮房副承旨並專管勾兵房主事公
事 慶曆五年八月二十一日詔今後樞密院都承旨
戰士寧王昭慶內一名請假令上名副承旨一名權於
後殿祇應如兩並請假令從上兩人權祇應候朝參却
依舊以戰士寧請假後殿無人祇應故也 至和三年

八月十一日樞密院言本院破食貼房六十人欲勾揀
試如內有未抄寫得諸房文字者俟習學得成即與給
食如貼房額內有闕每一名於守闕貼房內從上三人
揀試取書劄優者充填從之 神宗正史職官志都承

旨從五品副都承旨正六品通領院務及承旨司之事

檢察主事已下功過而陞黜之凡御崇政延和殿則陞
以侍立若禁衛兵校試技藝及蕃國人見則隨事敷奏

承所得旨以授有司

舊宗職官志元祐以文
臣帝待制充都承旨

神宗熙寧

元年八月二十五日樞密院言北面河西房所行文字
並係邊要事件其底本自來各屬逐房分掌稍經歲月
每遇檢證難遽討尋詔勸會逐路見行要切事件即仰

接續寫錄限在出宣劄時同來簽押敢有怠慢其當行主事等分首從重罰如是未可漏泄事件即別置冊副使書寫紙封付逐房收掌 二年八月二十二日樞密都承旨左監門衛將軍元仁政為左藏庫使榮州團練使除宮觀差益東上閤門使李評為樞密都承旨都承旨舊用閤門使已上或大將軍其後專用樞密院吏而更用士人復自評始九月一日詔近復以士人為樞密都承旨歷年不除樞密院接遇及所領職事都無可考驗可令史院檢尋如無即中書詳定以聞是月八日又以皇城使福州團練使李綬充樞密副都承旨尋詔樞密都承旨副都承旨見樞密使副並如閤門使禮添給

及當直兵級擗掠廳事仰樞密院條奏施行先是手詔令史院檢詳史院言以止載班著職事即不見接過儀範至是中書進呈有是旨也十二日樞密院都承旨李評言欲乞依中書檢正五房公事例除寺觀親屬職事相干外餘不許出入看謁又言諸房進卷及諸般案底文字多有貼黃及張縫並無印記乞鑄一印記印在院文字不得別用以樞密承旨司記為文並從之十月四日詔樞密院逐房副承旨至頭名及三周年與左藏庫副使出外先是逐房副承旨第遷有至都承旨者令都承旨既用士人而逐房副承旨遂無敘陞之望故有是命十二月二十四日樞密都承旨李評等言准樞密院

劄子參定本院人吏收補校試賞罰之法詔依所定施行
四年十月九日樞密院置刑房選三班內曉法者
一人為主事仍以檢詳吏房文字劉奉世兼檢詳刑房
文字 五年正月二十七日詔今後守闕貼房補破食
貼房闕依條試行遣公事三件自立新條後兩次補試
揀選已是難得合格之人今後逐房副承旨欲每遇大
禮許保引內外親屬不限服紀兩人充守闕貼房主事
令史保引一名書令史兩過大禮保引一名實及十六
歲已上不以曾與不曾在別處守仕但有行止不曾犯
刑責召命官二人妻保各隨狀領赴院呈驗人才精神
書劄堪任習學公事即收係姓名到院不限年歲遇有

破食貼房闕一例試補未願試者亦聽如闈數少所試合格人多別作一項編排不為黜落度數如試不中又不該編排但及三次以上在院習學及三周年者並勒出院其子孫弟姪出院之後却能習學進長合候保引人年分更許保引一次當所保引人數今寬保引之路而峻退絀之格蓋欲廣求人才有可搜擇而激厲來者非如向來只據見在守闈人數累經試黜落之餘短中求長所以不肯習學書劄行遣又保引者別無沮勸不公心引致及教招督責欲令後一試便中者所保引令史書令史與升一名再試中者兩人已上升一名主事已上合升一名者候出職日減一年磨勘如所引人三

試不中勒出院者連併及二人已上令史書令史降一名主事已上出職日辰一年磨勘餘並依前後詔條應新法以前已入院書歷者且仍舊制本院令史書令史欲今後參用三班使臣流外選人與本院人隔間收補仍以十人為額額足更不收取元額有闕即還於三班院流內銓揀選使臣取殿直已下至借職曾經一任流外選人三考已上並不曾犯私罪情理重好人才書劄者充每一闕取兩人赴院於所闕房試公事滿兩月揀一名充資序高者補令史次者補書令史不中者令銓班與指射優使差遣內刑房有闕本院乏人可選亦許本院定名選取曾經刑法局選人使臣充仍在十人額

內並從所請也四月十七日詔三班借職管勾涇原路
經畧司文字楊寘與樞密院書令史始上以樞密諸房
文牘煩委胥吏皆父兄保任多不得人因命都承旨李
評立法參擇流外選人三班使臣以補員闕初以莫淵
陳宗道隸刑房典法令又以寘邊吏習事隸河西房五
月十四日詔樞密院諸房副承旨已下至書令史各增
俸錢有差如因職事受贓並依中書熙寧五年五月三
日條貫倉司乞取軍人糧綱錢物法斷遣上嘗謂吏祿
薄則不足責其廉因是遂增二府胥吏之俸而重賕賄
取與之法七月二十五日以尚書比部員外郎集賢校
理同修起居注曾孝寬為起居舍人充史館修撰兼樞

密都承旨舊以本院久吏遞遷或用士人亦止於右職
中選用文館兼領始於孝寬也閏七月樞密院都承旨
曾孝寬言所有朝班除依定著外若遇前殿不視朝後
殿常參起居及隨車駕行幸武臣充承旨例繫鞋立班
臣係文臣兼領其職合具靴笏及繫鞋並依修起居注
官例從之 六年六月五日禮房進事自上批二條非
催促勘會未圓未明事似此今後並擬進取旨本院五
房催促行下文字及勘會未明未圓事皆不帶聖旨直
付所司次日具事目進呈兵房誤下相度事上精於萬
機省覽周密雖摘其誤然皆宥之 九年五月八日樞
密副都承旨張誠一言伏見中書樞密院檢正檢詳官

非假日不得看謁接見賓客惟樞密院都承旨副都承
旨未見該說今欲應在京司屬非假日不得看謁及接
見賓客非解宇所在者雖親戚不得入謁違者并接見
之人各徒二年職事相干者勿拘從之九月十六日詔
自今樞密都承旨兼郤牧使副都承旨兼副使更不兼
別差遣 元豐元年正月十九日詔自今樞密院諸房
副承旨出職與主事請受為州鈐轄 二年八月五日
上批見脩敕令格式諸所析正自朝廷立法付有司者
委樞密承旨司詳定間奏付諸房遵行二十七日批
龍圖閣直學士韓縝見領都承旨事繁兼常有奏稟軍
務可免祠祭攝事 三年十二月十五日詔自今樞密

承旨司傳宣止作直奉聖旨行下 四年正月二十四

日四方館使副都承旨張誠一為客省使都承旨自是

都承旨復用武臣其後誠一遷正任觀察使為都承旨

如故十一月二十六日詔樞密院吏止分隸三省毋撥

入六曹如有刺數並額外存留轉補請受及諸恩例並

如故 六年六月二十五日詔廢罷監牧廩費封樞錢

令樞密承旨司專根究主領餘應封樞錢物令尚書都

司取索置簿拘管初中書嘗差堂後官置簿掌封樞錢

至是官制既行乃分隸焉 七年十月二十四日中書

省言樞密承旨司傳宣事已得旨如別無奏稟合作錄

黃畫黃過門下省覆奏本省更不入進文字從之 哲

宗元祐元年六月八日樞密院言西人遣使入貢計會地界合要承旨司官同共檢詳本末計議事體詔左司郎中劉奉世權樞密都承旨公事候邊事了日依舊十月十二日詔樞密都副承旨過引雜公事并有合奏覆及傳奏公事雖非橫行許陞殿侍立二年八月四日詔創立改法並先次施行應修條者類聚半歲一進呈以正條入冊頒行若非海行法即書所入門目裁去繁文下所屬仍勿類奏六曹季輪郎官點檢刪節具事目申尚書省樞密院令左右司承旨司看詳當否甚者取旨賞罰從樞密院言也五年二月六日四方館使李綬為引進使以再任樞密副承旨及三年故有是命

徽宗崇寧四年九月十七日晉州觀察使樞密都承旨
曹誘奏臣本以門功四預仕籍初蒙神考優異先臣擢
臣閤門幾三十載至元符二年冬自定州路總管召赴
闕權樞密副都承旨遭遇陛下紹述聖緒仍使主領職
事崇寧元年蒙恩除樞密都承旨迄今首尾七年歲月
已久筋力早衰實不堪任伏望許依王憲例罷臣樞密
都承旨職事詔曹誘特授保康軍觀察留後再任樞密
都承旨十月八日四方館使慶州刺史樞密副都承旨
管勾客省閤門提舉中太一宮兼佑神觀公事閤仁武
奏伏念臣歷任五朝竊祿四紀宣力熙蘭擢登上閤獲
侍清燕濫綴橫班外服召還內朝供職復玷恩除叨居

樞屬兼提舉中太一宮佑神觀及專切提舉京畿監牧
司日虞心力不逮雖加勉強於兩司終懼瘵曠况昨自
保州還闕今二年已上副承旨宣力亦及一年有餘方
今朝儀贊揖當藉精彊如臣疲耗或恐不前若不自陳
未易逃責伏望許解閣門職任特依錢悅王殊等近例
換一正任名目詔闕仁武特授貴州團練使依舊提舉
中太一宮兼佑神觀公事罷樞密副都承旨 高宗建
炎四年十二月十六日詔以辛道宗為樞密都承旨先
是承旨闕後殿進擬邢煥辛道宗藍公佐上曰邢煥戚
里朕不欲令戚里任朝廷差遣次乃道宗上曰道宗亦
得但不甚知兵爾 紹興元年十二月三日詔祖宗時

樞密都承旨一員並差兩制蓋以本兵宥密之地不可
不擇人付以承旨之事元祐中范純禮劉安世嘗任此
職可依祖宗朝故事置都承旨一員其雜壓檢會元祐
職制令施行內未曾任持從官之人即依權侍郎法

七年正月二十七日樞密院言都副承旨過試路分副
都監以上射弓闊牒乞殿前司差統領或將官一員伴
射路分副都監以上射弓並詣都副承旨教場廳俟下
馬仍相揖茶畢射弓訖照湯廳前上馬從之仍詔常切
遵守二十八年五月六日詔樞密院諸房副承旨並依
熙寧故事過副都承旨闕官後殿有公事權令祇應日
更不侍立 孝宗隆興元年七月二十六日樞密院言

依指揮并省更額見管副承旨五人主事五人分管兵
吏房十二房職事守闕主事二人令減罷令史一十四
人均在諸房行遣文字令減作十八書令史一十九人
令減五人守闕書令史三人令減罷正名貼房二十八
人令減八人法司貼司二人並係試中人守闕貼房二
百人並均在二十五房書寫文字令減一百人法司三
人係外差專行斷案并掌宣旨院條冊詔依減數永為
定額見在人且令依舊將來遇闕更不遷補十月二十
四日詔樞密院諸軍功賞付身可令檢詳專一拘催副
都承旨給發十一月二十八日詔戶部侍郎錢端禮兼
樞密都承旨十二月二十一日端禮奏已有副都承旨

乞罷從之 二年五月十七日中書門下省言樞密院

人吏依已降指揮裁減定額委官置籍自今後遇有關

照條書擬遷補仍每月點檢幫助請給從之繼是月二

十六日詔依擬定置籍今後不許時暫差權支破請給

仍令常切遵守十一月二十五日詔樞密院諸房副承

旨各減一選出宮以該遇皇帝登寶位故有是命 乾

道元年正月二十四日樞密院言本院正名貼房張仲

禮等狀昨紹興二十六年十二月內裁減指揮緣三省

書令史名額多本院書令史數少於正名貼房內二十

八人內從上存留一十三人兼呈書令史文字揆三省

人數今來隆興二年已降裁減指揮將紹興二十六年

指揮內恩澤書令史一名寫宣房一十二人各依舊存
留了當唯仲禮等一十三人當時漏行開具致使一例
減罷詔依紹興二十六年已降指揮從上存留一十三
人權書令史日後過闕更不差填餘人不得援例五月
二十七日詔榮州刺史知閭門事兼樞密院副都承旨
張說為樞密都承旨十一月二十九日詔樞密都副承
旨係所掌朝廷機要文字不許出謁及接見賓客 三
年五月十一日詔樞密院各司三十人永為定額其合
減人且令依舊將來遇闕更不遷補願比換出職者聽
同日詔樞密院大程官以七十人為額溢額人且令依
舊令後宰執初除更不用恩例收補其外借七分大程

官依舊四十人為額 四年三月一日詔樞密院逐房副承旨見令闕借金帶服繫趨赴朝參等可令祇候庫依條例就賜今後轉至人依此取旨給賜 六年二月十二日詔樞密院諸房副承旨依舊令於後殿祇應十八日樞密院言房分太多名稱不一乞依舊制併作五正房以兵吏禮刑工房為名兵房以兵籍房機速房教閱房揭貼房賞功房在京房支差房河西房民兵房併入諸房轉員不轉員來轉遞遷等軍分事務吏房以在京房大吏房小吏房支差房等事務併入禮房以河北房河西房支差房吏房知雜房兵籍房主管承受聖語文字時政記等事務併入刑房係以河西房兵籍房小

吏房廣西房知雜房在京房宣旨庫等事務併入工房
以在京房機速房支馬房寫宣房等事併入院雜司以
生事房內降房實封房發遞房架閣庫併入從之繼而
給舍胡沂等條具下項兵房內外諸軍人馬數差發軍
馬內外諸軍教閱內外諸軍申請事諸路州軍廂禁軍
諸軍并三衙招填廂禁軍効用諸路民兵敢勇効用諸
路解發武藝出衆兵級諸軍收刺効用軍兵并收管使
臣外路諸州軍解發到寄招人諸路招到官兵撥隸軍
分諸軍中陳審驗使臣効用軍兵諸軍陞差統制統領
將佐等使臣陳乞從軍諸軍兵官起復諸軍發解到子
弟發遣歸部諸路兵官并就糧禁軍禁軍差屯駐泊守

把防托巡檢下兵員招禁軍并賞罰增減例物等仗諸
軍揭貼兵籍三衙江上四川等處諸軍人馬數每月損
具修寫投進內外諸軍差出屯戍并在寨人馬數諸路
州軍駐劄係將不係將人馬數三衙江上四川統制統
領將官員數每月揭貼納宰執廳兵冊并統兵官員
賞功內除捕盜有格法賞功依舊三省行遣外應干涉
軍事及刑無成法功賞並本院行遣激賞酒庫應申請
等諸路將副并申請事諸路州軍訓練係將不係將兵
官本院準備差遣應陳乞事件差本院提轄軍兵諸軍
都虞候換官銓量諸路將副下押隊禁軍揀切諸軍揀
汰諸軍教頭差補陞降轉員後取揀河東陝西路漢弓

箭手內外封樁禁軍闕額請受團結糾集民兵土豪軍
司申請逐司事軍頭司忠佐并祇候軍員散員等皇城
司親從親事官入內院子指揮推垛子揀親事官并親
從推垛子配填班直袞將軍分遞遣軍合轉員軍分不
轉員軍分諸軍并諸路州軍禁軍副都頭已上功過賞
罰及揀切應合降宣命應馬事收買川秦廣西綱馬荆
南孳生馬監事務漢陽軍綱馬監司事務德安府應城
縣孳生馬監事務京畿孳生馬監事內外諸軍陳乞泛
買綱馬內諸軍申乞火印綱馬內外諸軍開收馬事內
外諸軍揀退病馬騏驎院應干申請事務御馬院省馬
院騎御馬直事務皮剝所押管綱馬官兵賞罰吏房應

武臣差除三衙管軍諸路大師兵官軍職除龍環衛官帶御器械路分都監鈐轄總管等知州郡諸路將副并大小使臣充知城知寨都監巡檢等幹辦皇城司官幹辦軍頭司官軍器所官內外諸軍屬官使臣差遣宗室戚里添差陳乞宮觀嶽廟內降批出除問職樞密院正將准備差遣差使使喚并陳乞事件歸正歸附大小使臣校副尉差遣應副尉改轉并磨勘兩省內臣磨勘功過敘用并陳乞路分都監以上差遣并牽復內中宮人遷補降宣劉付身等內降批出補官使臣大使臣以上脚色薦舉大小使臣殿侍散直改轉差使借差及差遣應諸軍罷軍添差銓量應沿海巡檢諸軍陞帶禁衛所

使臣皇城司差法司專副禮房收掌國書應國信事務
闕報接伴名銜差曹臣等應副使人宿頓等使人來程
差賜御筵等官使人到闕差擺鋪軍兵并打河道官繳
進北使名銜使人到闕排日差兩府押宴差六曹尚書
押宴差伴射官差習儀舍人使人回程差賜御筵等官
差承受并監驛門官應諸處歸明蠻人初補授等北界
西界湖南湖北川峽陝西河東路蕃官承襲降宣諸路
蕃徭人承襲并納土歸明等諸軍統制以下鑄印應緣
禮事差撥諸軍官兵執儀仗等諸處關申行事并祈求
假故等賜厯日降宣下諸路帥漕并諸州軍守臣大禮
差官都大提舉主管并一行應奉支用物色都大主管

大內公事等主管承受聖語文字時政記房刑房應諸
軍統兵官以下至使臣并校副尉將校祇應効用軍兵
斷案陝西河東路蕃官蕃部犯罪特斷諸路州軍應廂
禁軍斷案武臣功賞過贖兩省內臣磨勘功過敘用應
諸軍官兵敘復官資章復職任諸路招捕盜賊收捉諸
軍逃走人本院人遣補本院客司遣補三衙人吏遣補
出職諸路帥司人吏出職補投諸處闕申通知條貫宣
旨庫編類本院革弊指揮工房應軍器事務支移興造
等御前軍器所申請造作支降軍器內軍器庫支降收
管軍器御前降樣製造軍器并鞍轡等諸州軍起發歲
額并泛拋軍器物科諸州軍起發全形軍器諸軍申請

支降并造作軍器等軍器所造作御前降樣四季鞍并
宣賜臣僚鞍轡總領所穩收駐劄諸軍弓甲軍器所工
匠等造作軍器推賞前應修繕事修築城郭修蓋營寨打
造修整戰船諸軍申請收買竹木等皇城司製造大禮
及逐年敕號添修儀注等工部製造應換官人槍袍團
牌等祇候庫除破換官人例物等寫宣房院雜司印司
檢察諸房所行文書用印承發下外路諸軍等處擺鋪
遞角馭刷行道遞角違滯去處承發下外路官司片堠
遞角檢察生事等房交付文書簿天申節會慶節下文
思院製造功德疏東厨申請事件揀試本院人承填名
關等事件本院人陳乞收使保引恩例等本院大程官

人員以下轉補等收接諸處繳回遞角內引牌筒銷鑿簿書上下半年臺官點檢簿書本院雜務點檢諸房進發文字機連房掌行事務邊防急速運事調發軍馬移屯非措置控扼去處遣發間探人并回推恩探報事宜諸處申解到歸正人并申解到姦細北界闊牒禁止北販客船合歸刑房逐年募發海船防托合歸兵房候有調發移入機速房非次差出兵官幹辦邊事從之三月四日樞密院言本院吏額承旨五人依舊主事五人令史一十人令欲添二人書令史一十四人令欲添六人正名貼房二十人依舊內一十三人舊權書令史今並罷權法司貼司二人依舊守關貼房一百八十五人已

降指揮以一百人為額今裁減以八十人為永額一承
旨司八人元係諸房人兼令依舊外差法司三人令添
一名寫宣房書寫宣命一十二人令減七人檢詳房一
十人令減五人編修時政記房七人令減四人詔並依
其人數永為定額請給等並依舊不得增添內所增令
史依名次遞遷書令史并正名貼房關令就今春銓試
場揀試今後過書令史有關方許於正名貼房內時暫
差權候試中正人日罷 九年閏正月二十一日詔樞
密院今後外路官兵功賞差遣等告敕宣劄文貼公據
並令左右司承旨司檢詳所除齋干照請令外其餘付
身等令拘催給發使臣每五日一次入進奏院遞取監

官到院入遞日時文狀仍令進奏官專置簿籍發放每

月赴左右司承旨司駁磨 淳熙二年正月二十九日

詔樞密副都承旨樞密副承旨依舊堂除三月四日詔

自今副承旨出職依三省例頭名滿三年以次人轉補

及五年與差州鈴轄願出職人與路分副都監差遣並

與理親民資序以樞密院言三省都錄事頭名滿三年

出職與通判差遣理知州資序轉補及五年人與通判

差遣亦係親民其本院副承旨止有頭名滿三年出職

與州鈴轄條法條兵鈴資序在親民之上并以次人未

有該載故有是詔 三年八月三日詔樞密院不係續

降指揮額外差置守闕貼房并書寫宣命人並罷 五

年七月八日詔自令諸庫務官司應回報樞密承旨司並合同申狀九年正月十二日詔自令江上四川都統如有合進呈軍器樣製及江上都統進奉會慶節馬并盱眙軍如遇有發到對境泗州回答本軍節儀四物馬軍行司進會慶節馬功德香疏並令發赴樞密承旨司繳進諸軍進呈新年隊牌與降下舊隊牌並付樞密承旨司令給付逐路十一年十月三日右正言蔣繼周言伏見江西路專一訓練禁軍鈴轄下差下程迪係樞密院人吏且大觀格武臣六等差遣路鈴係第四等須曾經第五等兩任及初除正任橫行使者方許除授乾道元年初帶訓練專降指揮選差曾任主兵官迪並

未經任考之大觀格法乾道指揮無一可者乞罷迪新任別與差遣從之 十三年八月六日進呈承旨司申拍試兵將官禮數上曰承旨司非朝廷比統制統領每過拍試待之大輕自今令上廳茶湯下階拍試 十四年九月一日樞密院言敕令所申昨準指揮裁減百司吏額今已盡絕近準樞密院批下人額緣逐項並批作係御筆朱書立定之額即未審合與不合裁減詔依隆興元年七月二十六日已降指揮見在人見令依舊紹熙三年五月十七日樞密院言諸房副承旨全藉有心力請晚職事詳熟之人今來張堯俊已陳乞出職乞差王嘉謀權諸房副承旨候二年即行正差從之 四

年十月十一日詔樞密院令後引呈公事逐房副承旨一員許於殿上往來取傳文字其諸房副承旨止令侍立宣旨

宋會要 檢詳所

淳熙十三年十二月九日詔檢詳所減主管文字一人親事官一人廚子一人白直兵士二人看管兵士二人以司農少卿吳煥議減冗食下勅令所裁定故有是命

左無卷二
萬九百四
十四

國用使司

孝宗乾道二年十二月二十二日詔朕惟理國之要裕財為重向來二三大臣專務簡忽至於用度寔廣漫不加省因循滋久殊無變通夫百姓既足君孰與不足量入為出可不念哉自今宰相可帶兼制國用使叅政可同知國用使庶幾上下同德永底阜康先是臣僚言方今國家所管財用供軍之費十居七八自兵興以來所

費益甚今據戶部所供一歲內外收支數目錢之闕者六百餘萬緡米之闕者九十餘萬石其外又聞三衙及御營使使司濠州并都督府見各欲招收軍兵無慮二十萬計其招收之初所費例物係籍之後所費供需未可以數計也陛下近以宰相兼樞密使蓋欲使宰相知兵也宰相今雖知兵而財穀出入之原宰相猶未知也必待戶部供具然後方及知爾且如三衙等處招兵指揮必經由三省而出使宰相早知財穀之務必不敢輕有施行非特宰相之不知也都督府以樞密使領之但知掌兵於外初不知用度之從來其於財穀出納之實未嘗畧加意焉大臣之於國家曾何內外之間不當若

介胄之將恬然有所不恤也望陛下法李唐之制委宰相兼領三司使職事財穀出納之大綱網宰相領之於上而戶部治其詳仍乞以戶部見今收支闕欠數目降付都督府委自參議贊謀而咸使知之庶幾戮力一心共體國事宰相圖回於內都督府通知於外凡無名之賞無益之費一切痛加撙節乃若尺籍之虛數必先有以去之然後新軍可招老弱之冗食必先有以汰之然後精銳可選太祖太宗削平僭亂混一寓內當時勝兵不滿五萬由此觀之虛數不除冗食不汰雖百萬之衆終無益於勝負而其耗蠹國用是猶竭江河以實漏卮曾何有紀極哉故有是命也三年正月十一日尚書

左僕射同中書門下平章事葉顥等言准敕宰相兼制
國用使叅政同知國用事今條具下項 一欲以三省
戶房國用使為名 一逐時將上及擬進并行下批劄
文字欲並依三省體式仍就用尚書省印 一常程文
字自行下戶部施行其餘取會外路監司州軍事務係
干財計利害文字立號置籍候回報到逐一鈎銷外切
慮承受官司報應稽遲奉行滅裂如有似此去處欲具
違慢官吏取旨重作施行 一行在百司諸軍經常歲
支月用及年例諸雜非泛支使自來皆係戶部以諸色
窠名錢物應副近又降指揮從本部所請以官戶役錢
等來同支遣所有州軍合發上供等錢物戶部自合遵

旨疑

依條法指揮逐時舉催應副支使如有每歲經常非泛雜支之外用度錢物及經畫利源節省事務並從本部措置擬定申取旨揮施行 一諸路州軍合起發戶部錢銀物帛米斛等並係指揮擬應副行在百司大軍支遣不可少有闕悞近年州軍將合起錢物侵欺移易拖欠數多戶部雖逐時舉催多是虛申網解或不即應報致有闕乏已降指揮諸路州軍合起上供等錢物每歲上下半年從戶部比較最稽違拖欠去處具名按劾中國用司取旨揮重作黜責如有起發足辦別無違滯去處亦申國用司取旨優加推賞在外委逐路總領所依此施行 一契勘諸路所起經總制錢近來州軍侵占妄

用一歲虧少動以數十萬貫欲令提刑司嚴行約束常
切檢察今後須管依年額盡數起發如拖欠違戾去處
按劾申國用司重作施行 一逐路總領所申請經常
錢糧本部自合依年例申朝廷科降一應得旨文字欲
隨事關送三省樞密院如係急切事務即先次行下所
屬施行 一欲於三省戶房內選點檢文字二人主管
文字五人掌管簿書守闕二人書寫文字一十八於三
省諸房內踏逐選差添給紙劄等並依機速房已得指
揮減半支破並從之 五年二月二十二日詔國用司
可罷其所行事務併歸三省戶房

宋會要 國用所

嘉泰三年三月二十三日臣僚言竊惟今日財計非錢穀不足之可憂而滲漏日滋之為可慮也夫錢穀之滲

漏非一朝一夕之間遽能如是也實起於朝廷會計之制不立歷年既多簿書漫不可考故官吏因得而為姦昔周家以冢宰制國用而唐亦以宰相兼領度支是知財賦國家之大計其出入之數有餘不足為大臣者皆所當知乃可節以制度關防隱欺使常有餘而無不足之患也國朝沿五代後唐之制置三司使以總國計應四方貢賦之入皆歸三司號為計省故祖宗時特重財計之臣凡除執政必先除三司使更歷錢穀之事三司又各置副使並以三司使總之又有三司判司六員數內刑案一司專推治隱盜斷刑事則知關防隱欺祖宗設官未嘗不三致意於其間也且今日費用之最大者

無如養兵請以四總領所言之一年出入之數幾何有
餘不足亦嘗會計而考核之乎但聞所入甚贏至於支
散常以闕乏告如司農寺官皆言見在倉儲無一月之
積主國計者亦嘗究其所以然而為之措畫乎凡此皆
財賦之司無所統攝故也宜畧倣祖宗遺意命大臣兼
提領天下財賦歲終會其出入有餘則椿管以備緩急
之須不足則通融以補其闕之隱欺滲漏則究其實而
正其罪如此則國家財計統之有宗而姦弊可以少革
矣乞下臣此章付二三大臣詳酌而行之立為定法從
之 十二月五日詔朕仰惟祖宗委任三司總邦計
故能周知源委出入有常今之財賦名歸戶部而事權

散柰不復相通有司出納莫可稽考更或苛取重困吾
民朕嘗有意變通比覽臣條奏疏因思區畫可遵孝宗
皇帝典故宰相兼國用使參知政事同知國用事仍於
侍從卿監中擇才識通練奉公愛民者二人充屬官俾
顯其職參攷內外財賦所入經費所出一切計會而總
覈之庶幾名實不欺用度有紀式寬民力永底阜康古
丞相陳自強兼國用使參知政事兼知樞密院事費士
寅參知政事張巖兼知國用事 開禧元年正月十七
日中書門下省言已降指揮宰相兼國用使參知政事
同知國用事薛叔似兼國用司參計官陳景思兼國用
司同參計官所有合行事件當議行下 一國用司印

國用使就用堂印外合鑄參計官印 一鈕以國用參
計之印六字為文合文思院日下鑄印 一合臨安府
踏逐空閑去處應副充局 一承受兼提點文字二員
於三省戶房選差內點檢文字一名主管文字九名開
折發放文字二名措算二名開局後酒管專一在司辦
事不許往來充應 一向來國用司案籍簿書帳目并
往年所造會計錄令於合屬去處取索參酌去取重新
詳盡立式施行 一逐時行下外路官司關會帳目文
字從本司開折司封角打號上簿並經由都道奏院承
領照上所批用皮筒黑匣專遞遣發纔有報到帳目文
字不許拆封從本院抄記字號赴本司開折司呈納仍

差進奏官一名承應鋪兵二名使令 一將來取會戶部諸百官司及總領所并諸路監司州郡帳目文字如有愆期不報及報不以實許從參計官將當職官具名中奏及將公吏行下所屬行遣或徑行追治 一所差人吏見幫本身俸給剗下逐處按月支行其待次人照官資比類幫給無官人下元來去處放行舊請所有本司每月等第於左歲庫添支錢數別開其中取朝廷指揮行下糧審院批勘仰所差人吏並依重祿法如委有勞績當議立賞 一合用敝札銀朱黃蠟筒牌木牌黃旗麻索之類闕報臨安府轉運司取撥使用剗下兩浙轉運司臨安府差杖直四名轉運司差承局四名一季

一替 一選差三省大程官四名承發在京文字未盡
事件令本司申取朝廷指揮從之 二月十七日權兵
部侍郎兼國用司參計官薛叔似太明卿兼國用司同
參計官陳景思申請事件 一本司行移並以國用司
為名合行下內外官司并諸路監司州軍照會仍從都
進奏院疾速遍牒施行 一今來國用司創置之初合
行下在京及外路官司取會賬目文字其第一次行移
乞用省劄自從參計官徑押公文催促取會將來間
有緊要事節亦乞用省劄 一所會內外官司帳目文
字但欲參攷財賦所入經費所出一切會計總覈務寬
民力如戶部出納之數自有所屬元申到帳冊可以就

行攢寫回報竊慮部胥並緣生事方更讎符屬部重行
取會或追喚吏人旋令供具甚至妄作名色料配搔擾
乞嚴立罪賞約束所有兩浙轉運司臨安府提領戶部
槁賞酒庫所點檢激賞酒庫所推倚務及外路總領所
諸路監司州郡亦乞一體令進奏院關牒施行一應取
會帳目當職官並列銜親行書押回報如有本年漏落
隱蔽不實之數却於以後年分參考得出其元官不
以去替其名奏劾 一今來踏逐抽差到人吏恐其間
見充吏役人向後有妨名籍及有官人新授待闕差遣
並作兼充開局後須管專一在司辦事不許往來充應
本司亦已帖付各人不許兼管他處職事或充應承受

文字今尚慮間有違戾又復干預乞嚴行劄下元官司
照已降指揮按月支行請給外不許容令更管本處舊
後職事及令承受文字如違重作施行 一已降指揮
向來國用司案籍簿書帳目并往年所造會計錄令於
合屬去處取索令乞行下戶部將上項案籍帳目及紹
熙慶元會計錄并王寺丞稽考財賦冊及外路總領所
監司州軍等處所申嘉泰元年至四年分歲冊年帳并
上供錢物冊解赴本司以憑參照施行 一諸處帳狀
文字令欲且令開具嘉泰元年至四年分共四年數目
供申候到參考總窠外所有開禧元年正月以後收支
見在之數內自戶部財賦官司外自總領所監司州郡

合令按月備具帳冊供申本司參照施行 一參計官
稟議職事乞依都司官例詣都堂稟白其入局做故亦
依都司體例施行 一照得敕令所復置以來每月支
筆墨油燭等錢依前項體例施行 一應合行移取索
內外官司及州郡監司等處文字除御史臺諫院後省
承旨司檢正司左右司檢詳所祕書省編修敕令局玉
牒所互關外其餘並以狀申本司會計財賦務要關防
機密不容漏泄令乞照敕令所已行體例給降黃榜約
束 一所差人已降指揮不以見任待次有官無官
並自到司日理為實歷月日 一承受煎提點文字及
所差人吏於本處請給外每月支茶湯折食添支食錢

各有差從之 二年正月十九日中書門下省勅會國
用司已降指揮差參計官所有司名目合隨印立定詔
以國用參計所為名

全唐文

宋會要

樞密院編修司

淳熙三年八月三日詔罷樞密院編修司書寫文字溢額人十三年十二月九日詔樞密院編修司減白直兵士一人以司農少卿吳煥議減冗食下敕令所裁定故有是命嘉定五年六月十九日編修司言已降指揮樞密院編修司供檢文字特與比附檢詳所令史理滿四年三季通入任二十年解發出職補官餘依檢詳所已得指揮施行照得本司吏額三名與檢詳所吏額一同供檢文字令改作令史頭名編修文字令改作書令史第二名編修文字令改作守當官已工資級過闕遞遷

合得請給等並照檢詳所測施行從之
七年九月十日
四日進呈高宗中興經武要畧四百一十四冊
詳見於

宋會要

四庫全書

時政記太祖開寶七年閏十月史館修撰判館事危蒙言竊見唐時每開
延英召大臣論事必命起居郎起居舍人執筆螭頭以記時政故一朝日
錄文字稍滿後唐明宗時亦命端明殿學士及樞密院直學士輪修日曆
旋送史館近朝以來此事都廢每季雖有內廷日曆樞密院錄送史館然
所記不過對見辭謝而已帝王言動莫得而書蓋宰相以爲洩洩爲虞史官
以疎遠是隔望今後凡事經聖斷可書簡冊者並委宰臣及參知政事每
月輪知抄錄送付史館以憑修撰日曆故之仍命參知政事盧多遜錄其
事多遜受詔而未嘗成書今史館書日有是年時政記草一卷後亦失之
太平興國中右補闕直史館胡旦等五代自唐以來中書樞密院皆置時
政記中書即委承應宰相修錄樞密院即直學士編修每月季送付史館
周顯德中宰臣李淑又言樞密院置內庭日曆自後因循廢闕史臣無憑
修述望今樞密院依舊置內庭日曆委文臣任副使者與學士輪次記錄
送付史館太宗太平興國八年八月詔史氏之職歷代所崇帝王之言
動必書朝廷之政令咸錄所以紀善歎於一代垂盛烈於千年爰自累朝
輒違多改遂令編續頗失闕遺今國家奄有萬方親臨庶務出一令無非

利物發一言必在憂民史臣以符於聞知美事多成於漏畧宜當聖代復振宏綱今後中書門下應有國家裁製之事及帝王宣諭之言合書史冊者宜令參知政事李昉抄錄逐季送史館以憑修撰日曆樞密院所行公事有合送史館者亦令副使一人準此是月李昉上言所修時政記請每月先以奏御後付所司從之時雖有時政記之四名但題云送史館事件昉未幾拜相仍舊編修又蘇易簡為參知政事令代之自是中書皆參知政事一自編錄惟呂蒙正嘗以宰相領後或參知政事兩負錄之至景德元年始題云時政記 端拱二年十月中書門下言所錄時政記緣皇帝每御前殿樞密院以下先上宰相未上問所有宣諭聖旨裁製嘉言無由聞知慮成漏畧欲望自今差樞密副使二人逐旋抄錄送中書遂詔樞密副使張宏張齊賢同共抄錄自後樞密院事皆送中書同修為一書而授史館然皆副使或知院二官同掌之 真宗景德三年五月詔樞密院所修時政記每至次月十五日送中書時命王欽若陳堯叟同修大中祥符五年六月詔樞密院所修時政記月送史館先是樞密院月錄附史事送中書編於時政記及是王欽若陳堯叟始請別撰不屬中書者直送史館為 仁宗嘉祐六年七月八日詔中書樞密院自前積滯下時政記文字

惟促疾速了當今後逐月編修於次月中已前進呈從起后舍人知諫院
龔鼎臣之請也 神宗元豐五年五月六日詔兩省樞密院時政令侍郎

同知樞密院事修尚書省左右丞通修三省同得旨及宣諭仍於當日紀
錄 六年二月二十八日樞密院言曰重聖旨諸房月終類聚成冊進呈

自元豐四年正月詔樞密院所得聖旨並當日覆奏施行月終更不進入
逐房因此抱滯不即抄錄以責令攢寫欲自今諸房所得聖旨並當日闕

送院知雜司置簿抄錄月闕時政記房從之 四年四月二十二日詔三
省執政官月以時政記及三省同得旨若宣諭事輪修 高宗建炎四年

五月九日詔今來三省樞密院條司班奏事所有時政記有合輪次通修
六月十八日中書門下有詔會三省諸房自來以行遺過聖旨御批麻制

手詔等文字月終類聚開時政記房自揚州舊例至今更不闕報有妨編
錄詔以駐蹕越州後行遺過聖旨等文字依自來條例闕送時政記房

紹興四年三月十八日詔建炎元年五月一日以後至建炎四年四月一
日已前時政記各令元任宰執省記編類聞奏司封負外郎無祕書者著

作佐郎孔端朝劉子檢準紹興三年十月二十三日敕節文廣深劉子泰
東觀日曆又廢不述一代大典闕而不書日者從史館之請詔祕書省移

文隨龍人與夫藩邸邸府舊寮并前宰執各令記錄事迹今數月矣未有一應詔者望具名行下使撰記本末各為一書若前宰執即修時政記並錄以進御先經一夜之覽詔令汪伯彥董耘梁揚祖歐廷禧各限一月編類聞奏勅會前項官並是元帥府官屬除見行催促編類外所見建炎元年五月以後時政記未曾委官省記編類望朝廷指揮施行都省甚會時政記房見將建炎四年四月以後時政記逐旋編寫投進降送秘書省外其已前文字並經渡江及經遺火例皆不存故有是詔 十月七日簽書樞密院事胡公年言今編修到樞密院建炎四年十一月十二日紹興元年正月二月三月四月時政記六卷付史館 五年三月十二日觀文殿學士左銀青光祿大夫提舉西京嵩山崇福宮李綱奏遵樂聖旨省記撰述到時政記上下兩冊望宣付史館從之二十六年九月二十五日知樞密院湯思退劄子奏伏覩祖宗舊制樞密院奏事有宣諭聖語副使或同知院事抄錄比年以來久不舉行欲依舊制過開宣諭聖語恭即書記每月具錄同時政記上進降從史館從之 孝宗乾道二年五月二十四日起居舍人陳良祐言唐姚璿為相表請伏下所言軍國政要宰相一人專知撰錄就時政記每月送史館宰相之候時政記自璿始也今大臣奏

對有時政記如唐故事足以資國史之記載矣惟是奉臣必以無所得聖語為報遂使帝言壅而不宣無以示天下與來世故望降付兩省今後遇有臣僚奏對所聞到令隨事疏執不得以無所得聖語為解庶幾充言布於天下有光簡謀從之 六年三月四日樞密院言編修時政記房吏額見管七人令減四人詔依其人數永為定額請等給並依舊不得增添七年正月二十三日詔三省樞密院所修時政記於二月一日繳進自今後逐旬依此所有乾道七年已前未嘗修經進者可接續繳進 二十九日中書門下省言三省錄記聖語舊以宣諭聖語為名進訖付時政記房收字候修版中書門下省將政記改作三省時政記再進詔自今將逐旬所記聖語以三省宣諭聖語為名與時政記同進候降出徑付國史日曆所 八年十一月十九日中書門下省言三省樞密院修進聖語時政記見遵依乾道七年正月二十三日指揮每旬逐日修到時政記於次旬一日繳進緣日限所拘修記文字或有未備乞自今後於次旬五日已前繳進詔令次旬終繳進

宋會要 御前弓馬子弟所

開禧二年五月十二日樞密院奏奉旨令參照舊例復
置御前弓馬所招收子弟教閱武藝選練人材令行事
件條具聞奏令畫下項御以御前弓馬子弟所為名隸
樞密院 一乞下文思院鑄造銅印一枚 一紐以提舉御
前弓馬子弟所印十字為文 一招合子弟以五百人
為額 一合差提舉官一員幹辦官二員兼印教措教
官每以一百人為率差置一員合差五員 一招收子

帝修法檢點乾道八年指揮以五百人為額委提舉官
踏逐或招募見在軍離軍兵官品官之家及良家子弟
不以有無官資或武舉有學籍生員並要好人材年三
十以下身長五尺五寸以上之人令大小使臣一員委
保每二十人中樞密院審量提舉官取旨引呈訖當日
支破請給 一子弟應募各以斗力支破請受 一每
日卯時入教 巳時放教 一提舉官毋季拍試一次每
一斗將選試中斗力高強人引見量武藝人材補轉官
資引見呈試不中人許行依舊在所習學 一合用弓
馬教頭每一百人為率差一名 一令來合用寨屋教
場地既充教閱及一行官屬舍屋權乞於候潮門外大

教場內教閱弓馬所有官物亦權於大教場內空閑屋
宇安頓 一合用弓箭乞先次支降一百八十張一石
五斗力一石四斗力一石三斗力各二十張一石二斗
力四十張一石六斗力六十張九斗力八斗力各一十張射
親箭三十隻整箭四百隻 一合用鞍馬軍器衣甲等
從提舉所續次申請提舉所創立之初別無公用錢物
欲乞每月支公用錢一百貫文下左藏庫支給充教閱
子弟公用置歷收支本所用用教閱拍試紀律候將來
差到官屬并新招子弟條具格法續具申請詔並依提
舉官差樞密都承旨李壁幹辦官兼押教差左領軍衛
將軍李師閔右領軍衛中郎將翟銓樞密院言近降指

揮復置弓馬子弟所以五百人為額據提舉官節次申
已約招二百一十五人尚有未招之數訪聞沿邊西北
州軍或有應選子弟緣路途遙遠無由前來應募詔令
弓馬子弟所除許招填三百人外仰江淮宣撫司於兩
淮招五十人京湖宣撫司於荆襄招五十人四川宣撫
司於西邊招一百人並各精選務要人材疆壯武藝等
仗合格候數足回取指揮

皮剝所

開寶二年置一在嘉慶坊一在延禧坊掌剝為牛駝

驟諸畜之死者給諸司工匠親從角抵官五坊鷹犬之食以三班殿侍二人監領剥手十五人 真宗咸平五年四月詔皮剥所自今後收官私死馬委使臣當面收剪鬃尾秤數上歷送納不須定十四兩為額勒人陪填 景德三年二月詔皮剥所每疋死馬收煉脂油七兩送皮場充熟皮之用 四 四月七月詔殿前馬步軍司每鞍馬病死當日內印帖子勒馬至送剥馬務畫峙納下給抄不得擅邀乞錢物 大中祥符七年五月詔皮剥所斷買肉屠戶除元定頭疋錢外歲每納淨利錢千二百貫逢閏又加百千句當以三年為滿如未滿不得諸色人陳狀添課剽奪 天禧二年十一月三司言皮剥

所每旬上殿奏收到死畜頭尺肉臟數元無許上殿指
彈檢會編數不得將帶常程公事上殿聞奏已令本所
將合奏文字逐旬於銀臺司通下所有冬年寒日接假
舊例支數親從親事官并騎馬直節料每人肉臟各二
斤欲乞亦只令具奏於通進司進入從之 仁宗天聖
元年閏九月詔左右築迷相撲軍所請口食渾脰死馬
令皮剝所依舊入例支 仁宗熙寧五年四月詳定編
修敕令所言乞今後坊監送納死馬各具印押關子開
坐尺數并馬赴皮剝所驗認交納關子即本所申首帳
前括連委三司并管勾院磨勘司點檢及將坊監文帳
對會數目不同即行遣根究情弊及將裏外務合作一

局以支剝所為名只就舊外務舍屋監專公人管勾裏
務除撥手分一名赴外務同祇應外餘並減罷外務所
納妨監及開祥兩縣頭疋除死馬外諸雜頭疋並各用
印紙關子送本務照外會內外務價高者併就價高處
施行從之 高宗紹興八年九月三十日詔復置皮剝
所以行在皮剝所稱呼以兵部言官私倒斃牛羊無處
送納也兵部條畫一監官舊例一員今欲差同幹辦馳
方官一員權行兼管每月量支請給錢五貫文隨歷批
勘一專知官舊一名手分舊例二人今欲置止手分一
人兼專知官依舊募充除支在京日所破請給外其贍
家食錢依見今庫務例支破一庫子舊例二人今欲下

臨安府於識字有行止廂軍或曹司內踏逐出一名指
差一名充填除舊請外每食日量支食錢一百文仍並
分學赴本所歷內批勘一剝手舊劄二人今欲下臨安府
權差屠戶一名過有開剝頭畜畜即時赴所開剝如無
送納到死畜並不得追呼仍與免其餘供應差使一把
門巡宿剝員舊劄係步軍司差破一十人今欲下步軍
使差大分廂軍兵士四人其請給並分學就勘所給一
本所合置官廳舊吏舍筋皮踪尾角庫及內藏葺錢庫
今欲乞朝廷指揮臨安府於城外近便踏逐係官空地
廩疾速修蓋官廳五座葺屋二間吏舍葺屋二間凡庫
屋共二門一本所舊劄每年起置死畜舊吏曆丞受簿

賞功罰罪簿鯨尾筋皮歷架閣簿年終攢造收支總高
等帳赴尚書兵部驅磨令欵並依舊例起置攢造施行
內合印簿歷並齋赴尚書駕部覆印施行一今未覆置
本所逐時行移并起置合用簿歷紙數令欲每季支破
大抄紙二百張並隨本所請受歷內批勘並從之十
月十日詔皮剝所鑄銅印一顆以行在皮剝所記六字
為文同日詔皮剝所受納官物合給鈔本團印一顆以
行在皮剝所紹興八年分受納官物團印一十六字為
文逐年一易從文思院給降十一月二十六日詔皮
剝所收到筋皮角令軍器所取撥使用鯨尾令雜賣場
出賣其收到買名淨利價錢等並赴左藏庫送納總管

聽候樞密院指揮本所條畫一在京日出賣死貨係
本所置櫃封鎖限一月人戶實封投狀在櫃如限滿櫃
擗赴所屬開拆取逐色價高者為定買標三年一界入
納抵當錢一萬五千貫屋業金銀充所在塚放準備錢
三千貫見錢本所塚放買名錢二千貫開祥兩縣送納
淨利錢三貫納本所本所今措置欲置櫃擗赴尚書
駕部郎中廳封鎖用訖給付本所限半月召人戶情
願立定逐色錢數及每頭正死貨全腔價錢實封投狀
赴櫃內收盛候限滿赴駕部郎中廳前開拆取逐所立錢
最高者為定其合納抵當準備淨利買名錢物並赴所
櫃管送納外權以一年為界買標其未有人戶間過有

納到死貨欲乞從本所一面開剥依在市價錢出賣候
召到人戶日付人戶一舊例諸軍班倒死馬並次第具
軍狀赴皮剥所送納係官例死牛馬等具公文前來私
下死畜本掌地分人申納如隱庇不納衷私開剥廂鄰
人并管轄合干人舉發作為應從重斷罪本地分知而
不舉或失覺察致被他人告捉並一等科罪送納遲延
傷臭納人倍納價錢一舊例納給諸處撞擗到死畜即
時時給鈔付納人一在京日舊例開祥兩縣死畜并兩
縣近城廂界倒死並合赴皮剥所送納其鄉村下死畜
在外送納一令後諸軍并在城應官私倒斃頭畜諸軍
令管轄官及合干人私畜委本地分都監近城廂界農

委自縣尉并合干巡防人覺察如隱庇不納許諸色人
告捉每頭足支償錢二十貫文及管轄合干人并私畜
將本掌地分合干人並送所屬依不應為從重科罪仍
拘納合肉臟等錢入官並從之 十二月十六日詔支
剝所許依坊監例從本所踏逐副尉一名充專知官其
請給依坊監見役人支破 九年二月十七日詔行在
皮剝所收到肉臟等錢今後遵依舊法並赴內臟納送
其日前已赴左藏庫送納錢數仍限三日依數撥還
十三年二月二十五日詔皮剝所召人買撲不許蔭與
上件作戶名之心人前來投狀入槌雖開拆定到價高
合買許一時同投狀人陳告依犯人立定錢數令告人

便得承買一界犯人送納所屬依條所行所有已納一
界准備抵當買名淨利四色錢物並行沒納入官從本
府請也同日詔皮剝所送納官錢自皇城門裏至內藏
庫每貫立定添支腳錢三文先是破腳錢一十文省緣
止是到皇城門外所有皇城門裏至內藏庫未有添支
故有是命同日詔皮剝所於監安府并行在庫務踏逐
廂軍或曹司二人充庫子祇應其請給以例除舊請外
與日支食錢二百文遇闕依此同日詔皮剝所令步軍
司貼差大分廂軍四人通作六人巡防照管仍選一名
職名高者充部轄節級同日詔皮剝所每收到被皮及
二十張報軍器所限一日差人前來取跋如不到許工

部勾追違慢合干人依條施行同日詔皮剝所遇送納
餘尾赴雜賣場每斤支脚錢三文同日詔皮剝所令納
錢每貫收頭子錢三文省充本所雜收錢置曆收支每
季一易十四年九月四日詔皮剝所監官茶湯錢添
一十貫文仍差白直一名專知官別無衣糧與每月添
支食錢四貫十五年四月十七日詔皮剝所添置軍
典一名專令抄轉書寫簿歷等文書其踏逐抽差請給
等並休內鞍轡庫軍典體例同日詔皮剝所將采人戶
買櫟界滿日將四色錢數於第一界立定逐色錢上並
行增添一倍立為定額並一色見錢先次送納本所採
放今後逐界准此內買名淨利係合入官錢數外有准

備徵當條人戶錢數本所封樁準備填欠如界滿別無
拖欠即合依數却行給還本所言自紹興八年第一界
人戶沈慶氏立定置買名錢四百一貫文淨利錢八百
一十貫文准備錢五百五十貫文抵當錢二千五十貫
文至界終收獲錢一萬二千餘貫文自後累年其出入
官錢物數增數倍今即係第五界人戶買撲其買淨利
準備抵當錢比之初置元立錢數所增不多故有是命
同日詔皮剝所專知手分依編估打套局門司手守分
請給則例支破並准行重祿 二十八年六月九日駕
部言皮剝所第一界立定兩錢數欲權減一分召人承
買從之 孝宗紹興三十二年十月二十七日 未敘元

工部言乞打皮剝所馬皮揀選均數降付殿殿馬步軍
司製造軍須其零碎牲損皮數令軍器所作破皮以斤
重估價出賣自後皮剝所剝到馬皮每張估錢三百五
十文省同肉贓錢並起內藏庫送納從之 乾道五年
七月二十八日樞密院部承旨張說言皮剝所乞差部
承旨提舉今後以樞密院皮剝所為名監官乞差樞密
院使臣兼之下三衙令逐旬具馬倒數目中承旨司郊
將皮剝所中到開剝所數目參照置歷抄上如遇有收
到肉贓等錢逐旬開具實數赴承旨司書押其亦歷半
年一易應收支錢物并應倒斃馬等並各置簿在承旨
司每月分明銷注以憑對歷驅磨應官私納到倒斃馬

等未鈔並日下赴本司上簿給付除依見行條法施行
從之 六年閏五月四日詔樞密院皮剝所今後將馬
皮盡數赴軍器所送納其放去處令本軍拘收赴所
送納 七年四月三十日詔皮剝所馬皮令殺前馬步
軍司差人前去交跋付逐軍應副使用從御前軍軍器
所請也 淳熙元年二月十四日樞密院東廚狀每月
見支破料次錢一千貫乞依堂廚例貼支錢三百貫詔
每年於皮剝所合發內藏庫內贓錢內截留五十貫
二年五月三日詔皮剝所見在錢物數并行遣事務除
供報樞密院并承旨司外其餘官司更不供報 十一
年六月七日詔皮剝皮_所減節級一人巡防兵士六人先

是專封官一人手分一人軍典一人庫子二人節級二人巡防兵士一十六人至是司農少卿吳煥請減冗食下敕令所裁定而有是命 紹熙五年十月十七日殿前都指揮使郭杲言節次該遇慶壽登極大禮等賞典士卒普霑恩霈止有諸軍官兵內因名下馬斃開剝傷吳令償納價錢之人未蒙改除放乞按旬逐旋除納每月一次本司牒發赴皮剝所收管銷欠庶使官兵得霑恩霈從之

全唐文

宋會要

東西府

熙寧七年四月九日詔韓絳居東府第一位呂惠卿第
二位自是居東西府八位不以次八年六月二十四日
詔三省樞密院官如遇遷拜東西府居更不遷移

宋會要

神宗熙寧六年七月十七日詔定兩府初除遷官轉廳
解罷陳乞使臣公人並衆同推恩止令中書施行宰臣
使相七人樞密使知樞密院五人參知政事樞
密副使同知樞密院四人簽書樞密院事三人

宋會要

宣徽院

太祖開寶九年二月以山南道節度使潘美為檢校太僕依前山南東道節度使充宣徽北院使節度使領宣徽自此始也八月以樞密副使楚昭輔權宣徽南院事以右衛大將軍判三司王仁瞻權宣徽北院事自後使闕多樞密使劉兼字之太宗太平興國八年二月以宣徽南院使山南東道節度使代國公滿美為忠武軍節度使進封韓國公先是美任南院兼而錫為北院使兼樞密副使是年正月以王顯為宣徽南院使劉德超為北院使兼樞密副使改美罷職至道元年四月出宣徽北院使兼高錫為鎮寧軍節度使太宗謂之曰舊制自宣徽北院使出不過防禁使朕今委兩節旌亦可謂優恩也三年八月以內客省使周瑩為宣徽北院使先是宣徽使班位在樞密副使之上瑩詰中書請各其下宰相為言之真宗嘉其謙退即從其奏自是為制真宗咸平五年周瑩王徽奏為宣徽南北院使和樞密院下會高陽關都總管關藩帥乏人宰相請徽宣徽使授之帝以瑩頗知軍旅事乃授承清軍節度為高陽關都總管景德四年十二月承天節百官上壽於紫雲殿徽使需宣茶時和樞密院王欽臣權宣徽使事欽臣在病和樞密院陳克復以故不入宰相議以和知政事權

宣卷具宗曰宣卷伏三司使皆不坐可令下謂攝事是日欽若授入朝謂雖承教不復攝事仁宗景祐二年五月二十六日詔宣徽院左知密押衙自今每遇出職與右侍禁舊止左班殿直時李從簡授樞密副知密例因定此制慶曆八年三月制以殿前副都指揮使寧武軍節度使李昭亮為宣徽北院使自殿前司遷北國家恩例也十一月二十九日宣徽使鄭戩言逐節進奉已蒙恩依兩府臣僚例所有請休及請假賞賜等乞許依見任宣徽北院使程琳等例夫給請休兩府臣僚體例皇祐二年九月五日詔今後宣徽使不得二員以諫官包拯等言宣徽使職充佐厥後官併進乞降詔旨將來更不全委使相之任及太院法職仍遷赴河陽忠武軍塞人宿固有是詔皇祐至和元年十月二日殿中侍御史趙鼎言伏見近年朝廷非次除宣徽使節度使頗為煩數切以二者使額在唐季則付與要易欲乞今後宣徽并節度使內文臣須應中書樞密院任用如之德望為人推服武臣曾經選部建立功業者方許除拜庶宣徽使七額只是兩員至如使相之任體貌尤重更當謹惜望以臣言付兩府議定施行施行以遵祖宗之法下以重爵位之實詔中書樞密院今後有如此除授或乞當知中書樞密院奏神宗正史職官志宣徽院置使皇祐二年者今無過二

員後高郵以宣徽使判并州已有二員詔以遷任權增熙寧三年郭進王拱辰在院用弼例以觀又疑禁士歐陽修為南院使判大宗府於修平以疾辭故事宣徽使與參知政事樞密副使同知院事以先後入取位每除二府即宣徽使辭乞位其下然後降詔從之神宗熙寧九年六月二十五日詔宣徽使不致過以職事尚幾或值中書樞密院合班問坐體又非次差賀並將許序二府班從宣徽北院使王拱辰之請也先是拱辰乞凡百官集制乞比中書樞密院臣條詔送閣門詳定取旨而有是命元豐元年十月十八日以宣徽北院使檢校太僕中大夫一宮使王拱辰為檢校太尉宣徽南院使西太一宮使許后西京三年九月二十八日戶部侍郎同知樞密院事呂公着為正議大夫樞密副使權發遣宣徽院四年十一月二十一日罷宣徽院見任宣徽使依舊自今更不除人六年三月二十三日宣徽南院使判大名府王拱辰為安武軍節度使判大名府官制不置宣徽使拱辰因再任遂改元聖宗元祐三年十月二十三日詔復置南北院宣徽使儀品恩數如舊制在京人從規奏書樞密院六年五月二日詳定備除閣門儀制所言按舊儀宣徽使過有百官起居稱賀宴日通與宴各令儀品南北院宣徽使儀品恩數並如舊制其舊制內宣徽使儀事欲依舊

修入如綱即依見行。制二十二日中太一宮使觀文殿學士左銀青光祿大夫魚侍讀馮宗除宣徽南院使仍舊充中太一宮使許朝胡望京先除宣徽南院使知陳州至是再辭故有是命七月六日三省言張方平元係宣徽南院使檢校太傅太子少師致仕元豐官制行廢宣徽使元祐三年復制儀品恩數如舊詔太子太保致仕張方平依前太子太保充宣徽南院使致仕於是中書舍人韓州言臣聞宣徽使之名祖宗以寵勳臣班資恩數與見任執政均與樞密副使同知樞密院七切相等而皆未嘗令帶以致仕且文武異列不合混升宣徽使武官也太子太保文官也豈可使官號混雜今從改正詔依前旨行下其後方平辭免處之紹聖三年四月二日詳定重修敕令所言宣徽使因官制廢罷以事分隸省寺元祐三年復置並無所治之節詔罷之

宋會要 翰林院

凡學士院置侍詔十人國初承舊制翰林侍詔六人寫書詔舊制月俸九千春冬給衣又有謀書侍詔六人寫發題封角月俸止六十謂之東頭侍詔雍熙四年廢謀書侍詔增翰林侍詔十人並兼御史院祇候錄事一人景德二年九月本院言孔目官劉尚賓年滿已注宿遷縣尉錄事主持書詔切須諳練欲乞依吏部銓例置主事或錄事以本司勒留充職詔以尚賓為錄事給孔目官俸自後不常置又五代舊制有主事一人周顯德中廢孔目官六人表奏官六人驅使官二十人驅使官舊額六人或平二年初置侍講侍讀學士別補驅使官四人祇應及楊徽之卒後以驅使官二人隸學士因為八年三年四月詔學士院不得額外添入自後再除拜文明資政侍讀侍講龍圖閣樞密直學士皆學士院遣守闕驅使官祇應多特補正名遂至二十人景德四年四月學士院上言先準敕表奏驅使官闕人於京百司兩首三館抽差即不曾召保揀試本院見有守闕表奏官八人驅使官十二人今欲以此為守闕定額今後如是闕人即於京百司兩省私名內抽取依三館例召保揀試送中書看詳從之舊又有守知官一人通引官一人厨六人太平興國四年並廢 兩朝國史志學士院翰

林學士承旨翰林學士翰林侍讀侍講學士承旨不常置以院中久次者
一人充學士六員掌大詔命凡國有大除拜晚漏上天子御內東門小殿
遣內侍召學士賜對親諭祕旨對訖學士歸院內侍鑰院門禁止出入夜
漏盡寫制進入遙明白麻出閣門使引授中書中書授舍人宣讀其餘除
授并御劄天子不御小殿不宣學士但用御寶封中書懸狀遣內侍送學
士院鑰院門而已至於赦書德音則中書遣吏持送本院而內侍鎖院如
除授馬院在宣徽院北凡他官入院未除學士謂之直院學士俱闕它官
暫行院中文書謂之權直其侍讀侍講春秋二時閣延義遇英閣則執經
史以侍講侍讀常日則侍奉以備顧問應對其掌寫書詔麻制別待詔三
人其吏史則有錄事一人孔目官六人表奏官八人其給使則有驅使官
二十人承旨唐道以學士第一人元今不常置學士無定員太祖乾德元
年十一月以工部尚書竇儀為翰林學士時學士王著以酒失扈蒙以請求皆收
官太祖謂宰相曰深嚴之地當以宿儒處之范質對曰竇儀清介重厚然
己自翰林遷端明帝曰禁中非此人不可卿當諭以朕意勉令就職。開
寶二年十一月以中書舍人李昉制誥盧多遜並直學士院時學士王著
卒故也。六年四月以制制誥張滄權直翰林院時學士李昉責受太常

少卿止處多遠在院又使江南多避使還如舊。九年十一月以太子少
詹事湯悅率更令徐鉉並直學士院太宗太平興國四年九月悅遷光祿卿罷
鉉遷給事中仍直院八年六月鉉亦以右常侍出院。淳化二年閏二月
命翰林學士賈黃中蘇易簡同判當差遣院李沆同判吏部流內銓學士
領外司自此始也。史臣梁周翰曰故事學士掌內庭書詔在金鑾殿側
深嚴莫二不當預外司事雖朝廷藉其公才實非選任之意至有兩者及
它局雜官請謁往來動踰啓刺有司無所彈擊內外相參清濁一混惜哉
。十月翰林學士承旨蘇易簡獻續翰林志二卷太宗賜御詩二章批云
賜詩之意因卿進翰林志美卿居清華之地也又飛白書玉堂之署四字
以賜易簡謂宰相曰易簡告朕求此數字卿可召至中書授之他日為翰
林中美事易簡上言願以所賜詩刻石帝為真宰行三體書名一本命侍
詔吳文賞模勒刊石以賜易簡仍以百本分賜近臣。十二月易簡於本
院會學士韓丕畢士安魚秘書監李至知判誥榮成務呂祐之錢若水王
旦史館修撰楊徽梁周翰直秘閣潘慎修翰林侍書王著侍讀呂文仲等
觀御飛白及三體書等聞之賜二樽酒太官設饌至等各賦七言詩是時
宰相李昉張齊賢參知政事賈黃中李沆亦各賦詩昉易簡悉以上聞聖

日帝謂坊曰朕諷讀故四有以見儒墨之盛而學士之貴也蘇易簡儒雅風流加以樂善好事朕見其會客賦詩頗動嘉賞流傳士林一時盛事也。十一月二十三日詔定降麻事例宰臣樞密使使相節度使特思加官除授學士事例銀百兩衣着百尺羣思加食邑起復例起復銀五十兩衣着五十尺親王以上有宣賜事例更不重定公主未出降依親王例宣賜已出降令對馬如對營送。四年五月以右諫議大夫史館修撰張洎屯田員外郎知制誥德若水並為翰林學士洎等赴工帝曰學士之職清切貴重非他官可比故多赴上有勅設及弄騎猴之戲久罷其事然亦非雅教坊有雜手技舞演都盆弄丸藏珠於器吐嚙口中之戲當令設之仍詔樞密直學士知制誥預會。十一月武寧軍節度使曹彬來朝宴近臣於長春殿命翰林學士錢若水樞密直學士張詠皆赴會舊制每命將出師勞還宴於便殿當直翰林學士與文明樞密直學士皆預坐李昉扈蒙任學士日帝預斯宴其後閣門使梁迪輕鄙儒士致太祖罷之至是始復從參知政事蘇易簡之請也易簡又言故事皇帝御樓肆赦惟學士得升舟鳳之西南隅自今帝御樓羣思望令與樞密使侍立御榻之側又取唐陸贄所定光院錢請振復故事亦從之。真宗咸平五年十二月學士宋白梁

同翰並罰一月俸生革制遺誤也初命宰臣呂蒙正李沆並兼門下侍郎而二人革制之夕遺亡其事一真宗以問白等不能對第請改正不復降麻止帖麻用印重寫告身故有是罰。景德元年八月詔學士院自今所賜內外群臣獎諭敕書並須明述績効始未及若干人數先是群臣有勞効者皆賜敕書獎諭及受代考課赴調多執以自陳希望旌賞然不見事狀始末或言某等者不見同功人數酬庸之際難於區別故有是命。大中祥符元年正月以天書降皇帝奉迎酌獻翰林學士判太常寺李宗諤上登歌樂章令本院降詔獎諭時學士晁迥知貢舉楊億在做惟宗諤獨直遂令參知政事趙安仁革之是月下制交趾黎至忠加功臣食邑舊制外藩加恩中書進熟狀哺後盡付學士翌日降制初議至忠加恩以是日宣降而熟狀未入前夕四鼓真宗訝而詰之乃通進司稽留即以手劄付學士院撰進時學士院李宗諤直翌日對宰相稱諭其畝。三年閏二月學士晁迥等言今月十八日宰臣召臣等問所降德音不鎖院之故按本院舊制敕書德音不嘗鎖院臣等商議除南郊敕書緣車駕齋宿在外並是預先進入降付中書難以鎖院外自餘敕書德音後並依降麻例鎖院從之。十月帝謂宰臣曰昨日學士草賜陳克叟詔述巨誠所傳

真文乃云軌迹軌迹雖有所出流俗聞之非便又嘗草詔述老子乃云洪惟柱史卿宜諭旨每一詔當令中外易曉。又嘗見勅書有以永安為洛汭者一帝曰永安在洛水南言汭非也今改之。五年七月學士院言本院青詞祭祝齋文相承稱尊號按端拱元年兼秘書監李至起請祠祭祝文只稱皇帝今請約至所請凡青詞祭祝齋文不載尊號又諸路進奉每降詔殺多隔歲月或本官亡歿猶降詔教緣詔語之內皆有嘉稱撫問之意存沒同用於理非宜今請每進奉到闕五七日內令客省具數送院降詔教若本官身故者止委客省勘會如係官物須除破者直牒三司更不降詔教又本院文字蠹爛至多將訪舊規屢成失墜今欲自天書降後應係詔教祠祝等編聯大冊差吏三人專主抄寫日給筆墨食錢三百所冀編次齊整並從之。九月學士楊德言疾癘稍痊虛羸尚甚望許權免十數日起居詔特免半月起居仍令出宿時德疾在假詔中使挾太醫療之德拜章謝時御筆七言二韻詩曰承明近侍究儒元苦學勞心疾已痊善保興居調飪食副予前席持名賢批表尾賜之。十一月詔翰林學士常留一員在院當直如有假故亦須候次學士到院方得出宿。六年八月學士院詔報準詔減定書詔用紙今定文武官持制太卿監觀察使以上

用白詔紙三司副使門使少卿監御史以上用黃詔紙自餘非巡幸大
禮敕書教榜外並用黃表紙從之。八年閏六月學士院草賜錢惟演詔
誤書祭為祭詔勅孔目吏決杖待詔贖銅十斤學士王曾特釋之。天禧
元年二月學士院言詔敕詞尾並云故茲詔示故茲示諭方云想宜知悉
四諸道進奉相承並不言詔示諭竊思詔詞各有嘉獎之意亦合標云
示諭今欲添入入諸處奏告青詞以來只是用紙裏前今請委三司造黑
漆木筒五十枚凡有奏告封詞齋徑從之。三年三月學士承旨吳遵以
疾乞免近職詔特免宿直。四年六月學士院言前蒙太宗皇帝賜御書
年深福靈欲模勒上石從之。仁宗乾興元年未改元九月命戶部郎中知
制誥宋綬權直學士院時承旨李維學士晏殊李諮並充使永定陵故也
不數日召劉筠入院充學士綬遂罷。天聖元年十月二十二日詔學士
今後每遇復日至晚出宿不得有妨公事時學士止李諮晏殊故也。五
年六月仁宗謂宰臣曰昨夜降文字學士撰本云學士不宿尚緩急文書
慮成妨闕自今並令依大中祥符五年詔書施行。景祐元年五月十五
日翰林學士承旨盛八等言本院見闕隋書應天下圖經道德經并疏莊
子疏冲虛真經并疏七下所屬去處各給一部付本院充公用內莊子并

冲虛真經疏如監本無即乞於道藏內借本付三館差人抄寫從之。慶
歷四年六月二十五日學士院言制詔齋文青詞并北朝書及非次急速
文字自來只是奉奏官裝硃裁粘不得精勤欲乞取裝裁工匠一名赴院
祇應從之。皇祐元年九月以翰林學士承旨兼端明殿學士尚書戶部
郎中知制誥王充臣加諫議大夫以久在禁林優遷之也充臣歲滿當遷
宰臣文彥博以其久任請降是命。二年九月十六日新除翰林學士稽
顛未及謝卒詔賜告敕襲水金鞍勒馬於其家。四年六月五日詔今後
學士院所試官員據所試文字依公考定不得假借等第時與試者多權
賈子弟因緣請託物議喧然朝廷患之故有是詔。至和元年八月十六
日詔學士院自今當宿學士以故請告者令以次過宿前一夕命劉沆為
宰相而召當宿學士楊俾草麻不至乃更自外召趙鼎草之故有是詔。
九月翰林學士楊察為承旨知制誥呂溱王洙並為翰林學士故事學士
六員今洙為第七員蓋宰相過除也。嘉祐二年十二月九日詔學士院
承內降處分自今並闕白中書樞密院施行先是澶州言河流壞浮橋後
數日而完修之遂下本院降詔獎諭而中書言官吏護視不謹已為郵使
者劾罪既令免勘而詔亦退罷之。二年六月十五日詔學士院從下兩

員常專一管句編錄國朝以來所撰制詔文字從學士歐陽修之請也。

六年三月承旨宋祁言久病不可稽朝謁入學士院欲帶一子侍湯藥從

之。六月二十日詔下閤封府今後學士院教設只得令雜手枝人祇應

。十月學士院言舍人院并諸宮觀唐書編敕所之類但置官司皆有翰

林儀鸞司人祇應本院地處近密學士送直及間與兩列儀事自來獨無

供應請依逐處例差翰林儀鸞司各二員并合要物色赴院祇應仍半年

一替從之。七年二月學士院言臣僚上奏并劄子陳請事唯宰臣親王

樞密便方降手詔手書自參知政事樞密副使已下即無體例去年三月

因樞密副使陳升之請郡內批令降不允手詔當直學士胡宿亦嘗論奏

以手詔體重已只降不允詔而不從其請竊緣近禁動成故事恐成例舉

廢與改已自今除宰執親王樞密使有所陳請事休例或降手詔手書自

餘臣僚更不降手書手詔許從本院執奏從之。八月學士王珪當草立

皇子制珪等對于崇政殿曰天下久望立太子然此議不出自陛下後必

有動搖則禍亂之萌未可知也帝諭曰朕思宗廟之重夙夜不敢安今立

皇子之議出自朕懷珪曰陛下誠能為宗廟計則天下之福也於是再拜

殿上退而草詔以進先是中書召學士草詔珪曰此大事也必面稟得旨

於是求對朝議以為得體。八年五月十三日學士院誌報宮院竊見逆
次入國禮物件數。劄子係御藥院編排修寫自來直至看禮物訖方
送本院多臨日匆忙書寫不謹竊恐差誤緣書錄凡經四次進印其書匣
又於入國史劄未進發前給付七指揮御醫院令每編排定入國禮物數
目先次抄寫件數數目劄子一本仍於看禮物五七日以前關送本院以
憑預定修寫比對仍候着禮物訖續次送進本院再行校勘進呈免至
臨日候事御藥院劄會除每年常程禮物亦候後苑造作所供納及內降
到衣物等齊足方始見得顏色花樣斤兩數目即於進呈前一二日可以
先次具錄供赴學士院其非汎圖信禮物係逐旋取者排辦製造或臨時
內降各件不定即難以預先供寫詔御藥院於看禮物前三日供赴學士
院。英宗治平元年閏五月詔錄學士院具員一本以進。二年七月詔
今後如遇非時鎖院次日不是常朝起居仰監鎖院使臣與學士同共關
報關門先是御史臺言今月四日夜鎖院關門不告報致有慢告報百官
赴文德殿聽麻乞今後除中書進熟狀自有帖黃替說退班外非時鎖院
並從御藥院關報關門退班故有此詔。神宗正史職官志學士院掌制
誥敕國書及宮禁所用之文詞凡后妃親王公主宰相節度使除拜則

學士草詞授待詔書訖以進故降德音則先進草大詔命及外國書則具
本稟奏得亦如之凡奏事用勝子闕白三省樞密院用詔報不名自國初
至行官制百司事失其實多所釐正而承唐舊典遵用不改者獨學士院
而已官學士二人待詔三人吏錄事一人孔目官六人表奏官八人驅使
官二十人守闕驅使官十有二人學士正三品凡拜宰相或事重者宣召
面諭旨則給筆劄書所得旨稟奏歸院具詞以進餘遣內侍授中書省熟
狀亦如之若已書旨而有未盡或舛誤則論奏貼正乘輿行幸則侍從以
備顧問有所獻納則請對或奏對凡初命為學士皆遣使就第宣詔旨召
入院上日敕設會從官備以樂平時詣三省樞密院議事則復見宰相執
政官自國朝以來待過之禮率循故事舊無常員及元豐中始裁定間選
久次者為承旨哲宗職官志同按故事學士止六員至和元年王洙為學
士僕第七員當時號員外學士此云無常員誤也。神宗熙寧三年七月
學士院言應下兩劄詳定文字直舍人院未審合與不合同議詔令同議
。八月詔自來封王合行管內布政勝文等并節度使初除及移鎮或別
加恩命並逐旋進劄子別送學士院降敕書示諭本鎮三軍將吏僧道百
姓今後如有上項除改恩命並令學士院每遇降劄訖一面檢舉施行。

四年七月十九日命尚書兵部郎中知制誥王益柔尚書刑部郎中知制誥陳襄兼直學士院除學士罷直。以學士韓維在假闕官宿直上令差知制誥二人為直院。九月十四日知制誥直學士院陳襄出知陳州襄論事數忤宰相王安石嘗草河北詔音言水不潤下中書改之又明堂赦書有奉祠紫宮語犯俗嫌故出。十月十二日知制誥王益柔罷兼直學士院以革高麗國答詔非工也以右正言知制誥檢正中書五房公事曾布兼直學士院。六年正月二十一日詔學士院今後大連國書并諸國詔書合要匣覆等並自下司取索訖關三司破除仍論諸處更不中乞朝旨。七年十二月八日詔翰林學士知制誥至中書樞密院議事許繫鞋遇朔望及不因公事依例穿執。十年十月三日學士院言編修內諸司式所送本院式十卷編學士員數并錄表疏青詞祝文錄院執事宿直之類看詳學士員數繫朝廷臨時除後若表疏青詞祝文或請誥之意不同難用一律况朝廷待學士禮意稍異宜召教設畫出特恩闕白中書樞密院止用詔報不同諸司乞下本所以吏人差補及官物出入之類並立為式學士所職更不編載從之。元豐二年十一月一日翰林學士蒲宗孟乞叙班章傳下從之以傳先曾任翰林學士丁憂服闋再為學士故也

三年八月五日詔學士院於尚書省樞密院用諸報。九月二十七日

詔嘗任翰林學士除資政殿學士以上更不別兼學士。十月二十

五日詔翰林學士并聽佩魚。五年五月十九日詔翰林學士見執政官

議事並令繫鞋。八月八日詔翰林學士獨員三直免一宿。六年三月

二十五日學士院言本院久例親王使相公主妃并節度使等除受并加

恩並送潤筆錢物自官制既行已增請俸其潤筆乞復罷并中書省亦言

文臣待制武臣橫行副使及遠郡刺史以上除改自來亦送舍人潤筆乞

依學士例罷並從之。哲宗元祐元年四月十八日尚書省言除拜官職

差遺緣畫錄黃已經由門下省如辭免恩命中書省既得旨令降詔不允

乞只從中書省批送學士院進詔更不重出錄黃從之。七月二十八日

翰林學士承旨鄧溫伯言學士如獨員已兩日乞免一宿候有雙首即依

故事從之。五年二月十四日知亳州龍圖閣直學士鄧溫伯除翰林學

士承旨。四月二日詔溫伯以龍圖閣直學士兼侍讀提舉醴泉觀其新除

翰林學士承旨告繳納六日詔溫伯依舊為翰林學士承旨承旨其提舉

醴泉觀兼侍讀除命勿行先是中書舍人王巖叟封還溫伯承旨詞頭言

溫伯交結蔡確陛下踐祚之始草王珪麻制則曰預定議於禁涂及為確

詞則曰尤嘉定議之功輕重之間色蓄微意微幸異日操心不忠亡收還除命詔以次舍人撰詞而言者攻之不置既改為侍讀嚴安又封還詞頭詔以溫伯知南京後四日卒從初命。元符元年八月十四日翰林學士承旨蔡京言應執政官見學士之禮亡下有司立法時宰相章惇以道服見京故有是請。二年翰林學士承旨蔡京言過請對亡不隔班上殿從之。徽宗建中靖國元年三月十三日翰林學士王觀草日食德音三者有所貼改觀侍罪詔令依舊供職。崇寧~~政和~~二月七日詔翰林學士兩省官及館閣今後並除進士出身人。大觀元年閏十月四日中書省奏翰林學士劉正夫撰敘福宴政語文字拙惡音韻不協詔以正夫為龍圖閣直學士知河南府政和四年二月六日翰林學士承旨知制誥兼侍讀修國史議禮局詳議官彊淵明奏奉御筆差措置點檢學士院今措置點檢到下項本院回答大遼國書并賜夏國等諸番夷詔教之類自來只是臨時檢尋咨使用欲亡將承受到續降指揮并前後案例添修為本院教令格式違差本院使臣人吏就本院編修更不添破請給亡候書成進呈日具勞績等第量亡推賞本院公使厨庫錢物浩瀚自來止係孔目表奏官輪監竊慮難以委辦臣欲亡差小使臣一員專監厨庫兼管勾本院

應十錢散官物等許臣踏逐具姓名奏差其理任請給破人並乞依逐降
點檢文字使臣已得指揮施行並昨承朝旨置專知官一名乞從本院踏
逐具姓名詔報朝廷指揮特差仍乞添差兵士十人節級三名分番看管
令定人吏選試之法除錄事一名係職級外有孔目官正名表奏官編排
表奏官三等欲乞過孔目官有闕令正名表奏官試補將本院法并判詔
教書等坐書及在京通用教令格式內出試題五道以三通二粗為合格
過正名表奏官有闕令編排表奏官試補寫大小字詔書各一本及於本
院法并判詔教書等案卷及在京通用教令格式內出試題三道二通一
粗及書札楷指者為合格過編排表奏官有闕令私人試補寫麻制道
本一道以書札楷指者為合格本院門禁約束破乞並依門下中書後省
法施行令承承行學士如遇有本職事工殿乞依六曹長官例許帶本院
有服色二人隨入殿門詔並依所奏。五年九月二十八日詔翰林學士
王甫賜名額十月二十九日御書稿文堂榜賜學士院學士承旨彊淵明
王輔工表謝。欽宗靖康元年四月二十三日翰林學士吳玠等言契勘
大禮鎖院麻三道以上係幾宣學士宿直分撰今月十六日鎖院麻六道
止係權直院莫壽獨宿破乞今後過三道以上幾宣二員從之。高宗建

元年六月五日詔新除翰林學士謝克家為述古殿直學士提舉揚州
洞霄宮先是克家除翰林學士以知制誥犯祖名詔權不繫知制誥三字
克家言翰林學士祖宗時若兼領他官止與職名同元豐官制行既專只
內制則必帶知制誥三字此不易之制詎可緣臣輕有改革望除一宮觀
差遣故有是詔。紹興元年五月二十六日翰林學士汪藻言學士院出
入道路經田大行隆祐皇太后殿攬宮門今來日及興工於入院不便乞
權在本家供職從之。二年九月十九日直學士院暴容禮言自兵興以
來急於除用並無降詔之禮乃或有如散遷延重真典憲指非待賢之
道望舉行故事凡六尚書及翰林端明殿學士以職任并新任與曾任宰
相執政官若自外除授或被召應赴行在者並令尚書省日下教學士院
頒降詔書以示待過之禮且使外任近臣有所取信以離其官守從之。
四年四月十五日詔學士院有官充待詔人及兩任令吏部與不依名次
指射差遣恩例一次。五月九日翰林學士知制誥蔡卞禮尚書禮部侍郎
兼權直學士院陳與義中書舍人張綱等言臣等學識淺陋播弄之修不
能發揚聖德致臣僚建言待罪乞賜點責詔無罪可待日下依舊供職先
是考功員外郎孔端朝言建立政事既有其實感悟人心必假於言唐德

宗之在奉天陸贄建言今盜徧天下宜痛自咎悔以言謝天下庶幾頑者
革心放當時所下制書雖武夫悍卒無不感動流涕今陛下留神治道刺
意恢復聽覽至勤奉養至約行宮不踰牧守之居射殿亦用茅茨之制聲
色無所親幸許直每加優容既有此實而播告之言或未有益之謂宜
別語號令因事見辭痛自引咎且言陛下憂勤雪恥之意而侈大奪給之
辭不雜其間以收拾人心詔制與內外詞臣故宓禮等侍罪七月十日翰
林學士秦宝禮言識慮不明所撰吳玠麻制言語失當見居家待罪詔放
罪先是臣僚言臣觀所宣吳玠進職麻制有曰陸海神聖失秦川之利
銅梁劍閣敢言蜀道之難臣竊謂玠方擁重兵據要害而乃云既失秦川
之利雖其意指秦之川然四川皆川也玠得不疑哉又云敢言蜀道之難
不識敢言之義末何謂也欲已改正行下詔令學士院就改故宓禮待罪
○五年六月一日上諭宰執曰朕常以營造為戒居處不敢求安前日傑
近有文字已罷修學士院朕嘗見國史載真宗皇帝幸三館顧謂近臣曰
陋屋數十間何以處天下英俊今雖艱難之際然學院上漏下濕如此僅
不略與修葺非所以稱朕待遇儒臣之意七月三日真學士院胡文修言
胡世將乞宮觀令學士院降詔不允者契勣世將係是從姪所撰詞頗屬

妨礙詔差中書舍人胡寅權直學士院撰行。六年五月六日吏部尚書
權翰林學士孫近言本院學士胡文修已除刑部尚書范冲已改除翰林
侍讀學士即日止臣獨員竊慮文字擁併雙鑠日難以旋進乞望早賜差
官詔給事中朱震兼權直學士院。七月六日吏部尚書權翰林學士孫近
言本院已有學士朱震直院陳與義正官二員所有臣兼權上件職事已
令解罷詔學士之職古無定員正觀以來時多兼領在明皇世常置者六
人於穆宗朝並用者三俊資卿才德典服訓辭於國有光視唐無愧得一
二文翰之士雖曰朋來宣心尺對揚之英遽先引去正籍耆儒之重方欣
君子之多勿復固辭性委厥位近又言見行官列學士二人祖宗以來是
為定額望不以臣故紊成憲詔不允。九年三月二十七日殿中侍御史
謝祖信言國家運中否之運十年于此天意助順輿地自歸今詔附之始
而朝廷在江吳道里遼遠所以宣至意收人心唯在於號令之告之辭則
推誠不可以不至引咎不可以不深廣推赤心置腹中之語使上無遣指
法傷居爾體痛在朕躬之意使人得所欲則叛者庶幾甘心詔劉付學士
院中書後省照會七月二十五日詔新服州軍今後遇有合降詔書令學
士院請費訖赴三省樞密院給發。二十七年九月二十四日尚書工部

侍郎兼直學士院王綸言本院待詔應奉昨踏逐到御書院已經試中書學生王世賢鄭漢卿二人並未有理年出職指揮乞依講筵所拔御藥院封題書藝學李升已出職條法補施行仍通理到院月日遷補從者十月十二日詔學士院人吏應奉修寫機密圖書過七十次至六十次人各與轉一官資五十次至四十次人與減三年磨勘三十次至二十次人與減二年磨勘仍自今降指揮之後每應奉及一十次與減一年磨勘從直學士院王綸請也。二十九年六月十九日詔學士院係禁庭官司今後諸色人不得兼外處差遣有違戾本院具姓名聞奏同日給事中兼直學士院周麟之言學士院每年正旦及天申聖節回答國書并遣使賀生辰正旦國書并用金銀裝匣係文思院製造近來文思院供到多是金色漫淡打設履跡托裏錦色不鮮明屢次更換旋行裝飾欲乞下工部嚴行約束如法裝辦不得仍前減裂其修寫國書紙係御前降到紙今已十餘年紙色暗舊每次多是抹選背用今乞於御前逐旋請降及每次行遣國書寫人使到闕賜物總目及遣使禮物數目並令合干官司取索以憑書寫近來官司多是不即報應其間物數間有差錯欲乞中嚴行下令于官司即時報應于細點對赴院依細事關國體所係非輕望詳酌施行詔紙

依所已錄並尚嚴約束如違令學士院劾奏。孝宗紹興三十二年未改
元八月十七日詔太皇太后生辰功德疏合用表文令學士修撰。隆興
元年七月二十八日詔學士院須權行奏奉欽宗皇帝几筵可衣舊仍令
重加修葺自今後應學士院及經筵官日輪二員直宿稍復祖宗故事八
月三日學士院狀依指揮併省吏額兩院額管一十四人今減點檢文字
一名書寫青詞表奏官一名東院額管驅使官共一十六人今減末名守
闕驅使二人詔依擬定見在人且令依舊如將來遇闕更不遞補同日中
書舍人魚直學士院劉珙言已降指揮添講筵官直宿所有位次本院屋
宇窄狹乞行展蓋從之十一月七日詔學士院與經筵官宿直官每月二
日合赴德壽宮起居并聖節開啓滿散國志行香前一日及旬假節假並
與免宿。二年閏十一月五日致文閣直學士提舉江州太平興國宮王
剛中言徐臣翰林學士緣官稱首條大數名已別改除一差遣詔改除禮
部尚書兼給事中直學士院 乾道二年十月三日詔學士院自今後車
駕詣德壽宮如遇執政從便權免宿直。三年五月五日詔學士院自今
後每遇筵宴權免宿直。四年正月六日詔學士院今後每遇車駕詣景
靈宮四五朝或權免宿直。五年六月十五日詔自初伏日賜學士水一

月每日半檐同日詔降白成銀水盃一面黑漆座全如過入伏令學士院
設放使用同日詔降黑漆永楠一隻蓋座全賜學士院使用。六年五月
四日學士院狀依指揮省併吏額而院錄事已下一十二人今乞減罷表
奏官二人以一人為額東院驅使官一十四人今於數內裁減正名驅
使官王彥通馬晟二人減作守闕驅使官却將守闕驅使官樂德華趙琪
敦減作編排驅使官更不支破請給通以一十二人為額詔依擬定各從
下裁減將來見闕日依名次撥填其減下人願依條比換名目者聽十一
月十四日尚書禮部侍郎兼直學士院鄭聞秘書少監兼直學士院周
必大言檢准紹興三十一年十月四日指揮今大明堂大禮合加恩臣僚
權宜更不鑲院宣麻止降制給誥並免辭免候事定日依舊所有—軌道
元年三年兩部並依上件指揮今來節祀大禮慶成其合該加恩臣僚未
審且依近例止降制誥難復檢舉自來鑲院典故施行詔依舊例鑲院宣
麻八年十月二十六日準御封付院御齎批先降指揮經筵官日輪二員
學士院宿直今可止輪一員本院自後遵依永為定式既而有旨經筵官
與學士院官每日通輪一員宿直官約午時入院臨安府供燭一對夜
點照用朱早院中破宿官點心至冬供炭一十斤如過輪宿直用薄子隔

侍讀 侍講

日書知押字將書知宿官姓名便闕報御藥院具奏。九年三月十二日詔翰林學士承旨除端明殿學士提舉江州太平興國宮以熾乞辭嚴直改有是命十二月二十四日詔秘書省正字崔敦詩兼翰林權直先是命旨下國史院具典故館職兼權學士院職事如何結銜既檢照中工而朝廷以四朝會要學士院他官兼權者謂之權直遂有是命其後淳熙五年九月敦詩再入院議者以翰林非專掌制詔之地乃改為學士院權直同日詔秘書省正字崔敦詩兼翰林權直所有請給除身分料錢隨階官時服照正字格法并本省會要茶湯錢依舊及破所處職錢并米麥衣賜依翰林學士則例以三分減一支破所有廳役除本職合破外止貼差客司一名顧慕隨在職太宗聽政之暇日閱經史惠顧問闕人太平興國八年始用著作佐郎呂文仲為侍讀尋又為翰林侍讀賜姓魚富直御書院立本官班嘗出經史呂文仲讀之。真宗咸平元年又訪通經義者于參知政事李至至薦國子直講崔順正召於後園令說尚書大禹謨面賜五品服然自揚徽之始建學士之職後馮元為翰林侍講不帶學士又有馮宗元為侍講高若訥為侍讀不加別名供職而已。真宗咸平二年七月以兵部侍郎兼秘書監楊徽之戶部侍郎夏竦為翰林侍讀學士國子

祭酒邢昂為侍講學士翰林侍講兵部員外郎呂文仲為工部郎中允侍
讀學士先是侍讀名秩未崇真宗首置此職擇書儒舊學以充其選班秩
次翰林學士祿賜如之設直廬於祕閣侍讀更直侍講長工日給尚食外
膳夜則迭宿令監館閣書籍中夜到案起日具當直官名於內東門進入
自是多召討論或至中夕中謝日賜與如翰林學士五年正月宴宗室
侍讀侍講學士王府官於崇政殿以邢昂講左氏傳畢也賜昂及侍讀夏
侯嶠等器帛昂加襲衣金帶以昂為工部侍郎兼國子祭酒依舊充職。
景祐四年八月以翰林侍講學士工部尚書邢昂知曹州班左翰林學士
之上從尚書班列也侍講學士外使自邢昂始焉。天禧元年二月召直
龍圖閣馮元講易於宣和門之北閣時惟待制查道李虛己李行問預焉
自是說易盡工下經以元使契丹止。三年十二月以上知待制參知政
事張知白為刑部侍郎充翰林侍講學士知天雄軍知白懇求罷免侍講
學士外使自始也。仁宗乾興元年未改元三月以吏部員外郎直龍圖
閣太子左諭德魯宗道為戶部郎中左正言直龍圖閣太子右諭德馮元
為戶部員外郎並為龍圖閣直學士兼侍講十一月仁宗御崇正殿西廡
召侍讀學士李維侍講學士孫奭侍講馮元等講論語宰臣馮拯等曰天

和

禧舊制凡侍臣講讀皆賜坐講者設本于前別坐而聽乾興後每說書曰侍臣皆先就座賜茶訖做席立講講畢復坐賜湯自後又取工部郎中馮宗元直龍圖閣亦令講書凡設論語孝經禮記尚書春秋老子道德經侍讀初無所職但侍立而已自宋綬頁竦為侍讀始今日讀唐書一傳參釋義理每講書古賢詩或取經書要言書一二款其後遂罷又令侍讀詩真宗正說經史文字涉凶惡事亦須預說無所規鑒即不講或召中書樞密院聽書即於侍官前設座。景祐元年正月二十六日給事中充集賢院學士李仲容言臣冠掖垣之地已及七年新除兩人學士俱是在臣之下望別賜臣一職名詔除守本官充翰林侍讀學士判史館。慶歷四年二月御迎陽門召輔臣觀圖畫其畫皆前代帝王美惡之跡可以規戒者因命天章閣侍講曾公亮講毛詩王洙讀祖宗聖政錄侍讀學士丁度讀前漢書數刻乃罷。皇祐三年七月五日翰林侍讀學士給事中郭勣表乞致任帝以勤履行純謹立身清約特命降名不允示優恩也。四年九月十二日知制誥胡宿言近命臣充翰林侍讀學士且臣未宜當此職不敢入謝時宿居綸閣久次執政以禁林莫足未議遷補又適於物議因以全革處之而諫官李元鞏贊指言其失故宿辭卒亦不許。至元元年十月

翰林侍
書出
移後

賜翰林侍讀學士楊安國錢五十萬仍聽大寒暑毋入諂時安國言寒德

不任侍讀席願乞骸骨以歸故賜及之翰林侍書

宗太平興國七年以著作郎翰林祇候王著為著作佐郎翰林侍書祿御

書院王著成都人歸朝為隆平主簿善正書行草筆跡甚媚太宗以字善

訛斗故令削定即召著入授銜尉寺丞史館祇候詳定急就章遂為侍書

累至殿中侍御史神宗正文職官志侍讀侍講五七品崇政殿說書從七

品學士講讀經史以學士或侍從職事官有學術者充其秩平資淺則為說

書後春二月至端午日秋八月至長至日過復日入侍通英閣輪官講讀

始至率以履見列壞命之坐賜茶議讀畢賜湯乃退咸平二年置學士

至元豐三年前云學士之號哲宗職官志元祐七年復增學士之號元符

元年道去。哲宗元豐八年即位未改元四月十四日置政殿大學士光

祿大夫呂公著為侍讀先是神宗諭輔臣曰皇子明年出閣當以呂公著

為保傅至是呂公著侍讀道遵先帝意也十二月二十二日置講讀官職

錢為三萬。元祐元年八月六日吏部侍郎兼侍講侍讀充俞以職煩且病

乞罷侍講司馬光請改充俞為侍讀而用范祖禹為侍講祖禹呂公著之

婿也請避嫌光奏宰相不當以私嫌廢公義韓維奏朝廷選執政不以進

連賢能為職今乃以執政妨用人不可方令人材難得幸而有可用之人
又以執政退罷若七八執政各避私嫌甚妨賢路且多存形迹非大公
之道遂以祖禹兼侍讀六月十六日端明殿學士光祿大夫范鎮落政任
從舉中太一宮兼集禧觀公事兼侍讀四年五月四日詔自今侍讀以
三人為額六年四月十二日中太一宮使觀文殿學士兼侍讀馮京乞
致仕詔不允令除經筵外過朔望赴朝參未幾京又乞致仕不允仍免經
筵進讀七月七月十二日詔復置翰林侍講學士學士以翰林學士范
祖禹為翰林侍講學士兼修國文八年四月八日范祖禹言止辭免翰
林學士兼侍講學士蒙降詔不允伏見神宗之初司馬光呂公著皆以翰
林學士兼侍講初不兼學士之職如以臣久在經筵乞止兼侍講從之元
符元年二月十三日三省言裁定六曹寺監文字所狀乞降指揮翰林侍
講侍讀學士向去置與不置詔元祐復置翰林侍講侍讀學士指揮更不
施行。徽宗元符三年元祐改元九月四日詔安燾服闋可依舊左正議大
夫除觀文殿學士從舉中太一宮兼集禧觀公事兼侍讀。大觀元年三
月十二日翰林學士鄭居中可依舊執政官恩例仍除中大夫資政殿學
士中太一宮使兼侍讀詔鄭居中文學政事為衆推稱蔽自朕心權貳樞

府清室之地親賢所宜稽考先朝具存故實而貴妃懇請陳長甚堅嘉其
懇誠終不可奪故有是命。宣和元年七月三日詔觀文殿修撰兼侍講
國史編修官鄧雍入侍經筵閱時滋久可除顯謨閣待制仍遣侍讀。中
六年二月七日賜開封尹燕瑛進士出身兼侍讀。欽宗靖康元年九月
二十二日詔吏部尚書莫儔戶部尚書梅執禮為任劄曹免兼侍讀。高
宗建炎元年十二月一日詔朕朝暮見大臣訪庶務已則泛論古今援據
經史凡有益于治者隨事商榷以受益言延見進對臣僚詢究利害退閱
四方奏牘少空則披誦載籍取鑑前古故於講學久未皇暇念親儒臣以
稽先聖之格言百代之明驗雖羽檄交馳巡幸未定亦不可廢可差侍從
官四員充講讀官過萬機之暇令三省取旨就內殿講讀三十一日詔將
來開講日侍講官於進讀書內或有所見許請畢具劄子奏陳仍降付本
所載之注記依元豐舊制從翰林學士朱勝非請也。四年八月十日
尚書吏部侍郎蔡定禮等言近詔從官日進前代及本朝故事伏見宗以
來差遣儒臣以奉講讀若令從官一例獻其所聞既非祖宗舊制且有越
職之嫌况今講讀官並有正員欲乞止命講讀官三五日供進前代及本
朝故事以資聖學所有元降指揮乞賜寢罷詔講讀官及翰林學士兩省

官並依已降指揮，紹興元年二月十六日詔刑部尚書胡直孫兼侍讀以中書門下首言兼侍讀秦檜除叅知政事止有侍讀王絢一員故也四月九日詔賜侍讀王絢胡直孫侍讀汪藻胡文休候延慶御書杜詩扇面十七日詔戶部尚書李彌大兼侍讀以講筵所侍讀官正有黃叔敖一員故也八月十一日詔以朱勝非為提舉醴泉觀兼侍讀初勝非罷同都督辭免選任知紹興府上曰勝非作相三日值苗劉之亂當時調護有力朕豈不知近日因寵同都督外方士人上章論勝非功甚多惟一二臺諫不與昔晉公子重耳偏嘗險阻艱難相與在外自蒲狄至秦諸臣從者惟狐偃未始不同及河以擊校公子且欲亡去公子曰所不與舅氏同心者有如白水蓋晉公子之霸諸侯實子祀之助朕於勝非不謂眾之不知而素之也故有是詔十月二十九日詔講筵所今後任講日令講讀官依講筵日分除假故旦望隔日輪官接續供進春秋口義一授至開講日依舊所舊日進故事仍令侍從官依元降指揮與講讀官翰林學士兩省官同進三年五月二十六日詔講筵所見輪官供進春秋口義并侍從等官日進故事可自今後遇六月十一月權免供進開講日權住供進。四年十月七日詔講讀官進講義故事權罷候過防秋日依舊以右司諫趙鼎言

淮海有警方議親征乙少緩故也。五年閏二月二十二日詔侍讀官進讀三朝寶訓從殿中侍御史張絢請也。六年八月二十七日詔侍讀官許正謝今後依此令敕令所於閣門格修入先是觀文殿學士提舉萬壽觀充行宮同留守孟度兼侍讀已授告訖緣侍讀侍讀在法未有許正謝之文度以為言故有是詔。七年九月一日權禮部郎陳公輔言閩徽宗皇帝寧德皇后凶訃陛下宮中見行三年之喪欲乞凡遇當講日只令講讀官伏進。義更不親臨講筵從之既而臣僚以祖宗典故論列詔如舊制。紹興十年八月十二日詔中書舍人王銖起居舍人張崇兼侍講銖進講孟與臣傳以講筵所言秋講在迩見闕官二員故也。十一年三月六日詔權禮部尚書蘇符兼侍讀進讀三朝寶訓五月九日詔賜侍讀吳表臣蘇符新茶二十七日詔賜復古殿墨侍讀吳表臣蘇符侍講林待聘程克俊王銖李易修注朱翌各二十錠。十三年三月八日詔給事中楊愿兼侍講進講尚書。十四年三月二十二日詔御史中丞李文會兼侍讀工部尚書詹大方禮部侍郎高闈兼侍講先是講筵闕官詹方詹橈曰陛下聖學日躋寶難其人上曰朕學問豈敢望士大夫但性好讀書宮中無事舍讀書寫字一無所為橈曰士人讀書者固多但少適用上曰讀書貴於適

用若不用或託以為吝則不若不讀之為愈上又曰王安石程頤之學各有其長學者但當取其長不執於一偏乃為善學檜曰陛下聖學淵奧獨見天地之大全下視專門陋儒溺於所聞真太山之於丘垤也。十五年十一月十三日詔宣賜講讀說書修注官寒食端午冬至節料觀文殿大學士已上錢一百五十貫酒十瓶資政殿大學士學士已上錢一百貫酒八瓶待制以上錢五十貫酒六瓶未係兩制錢三十貫酒四瓶今後准此。十六年二月十六日講筵所言今後講筵兼講孟子相次終篇依舊制合先奏請點定令具未經進講周易毛詩禮記周禮詔令講周易三月二十日 upper 以孟子終篇特遣中使賜當講官段拂鞍馬牙笏金硯水瓶墨等。二十三日賜侍讀侍講修注官以下御筵于皇城司。二十八日詔經筵進講孟子終篇可依進講論語終篇例推恩施行。十七年正月二十九日詔資政殿大學士提舉力壽觀秦煇魚侍讀三月四日詔給事中黃侍讀段拂除翰林學士依前兼侍講。二十二年十一月七日尚書終篇特召宰執聽講進講畢賜太師英國公秦檜玉帶牙笏御調習名馬命主管講筵李存約就第賜之仍賜侍讀秦煇簽書樞密院事史才侍講魏師遜說書鄭仲熊修注楊迥全帶牙笏鞍馬有差。元日賜宰執講筵

修注官御筵于秘書省用教坊樂仍遣中使第賜香茶奉燔等進詩表以謝。二十五年四月二十三日周易終篇持召宰執聽講進畢以犀帶牙簡金鞍勒良馬銀絹命主管講筵存約宗弟賜太師秦檜仍賜侍讀秦燔簽書樞密院事鄭仲熊侍講董德元王珉修注林一飛金帶牙簡鞍馬銀絹有差內王珉以進講周易終篇加賜金硯匣秦燔等各進詩表以謝。二十七年十月十一日進讀三朝寶訓終篇賜侍讀王師心牙簡金鞍勒良馬象管端硯檀香匣復古殿墨象牙黏板壓紙界方金硯水瓶師心上表謝。十三日賜侍讀侍講修注官以下御筵于皇城司用化成殿等樂仍遣中使第賜香茶十五日王師心等上表謝。二十八年九月二十六日守起居郎魚樞中書舍人洪遵言臣以記注陪侍經幄瞻望天威近在跬步至於御茗分珍華滋錫坐皆非冀土小臣平生所取親望窺見春秋二講每於數日先期書歷經筵官講讀畢許留身奏事修注官雖與簽書未嘗有奏事者皆云近例如此聯名一歷不應別為二體臣伏聞見祐中起居舍人呂陶嘗乞候講讀罷臣僚再留奏事並許侍立以此觀之講筵猶且入侍何由不許奏事望下講筵所許依講讀官例施行從之。二十二年三月黃中除禮部侍郎依舊兼侍講。孝宗紹興三十二年六月即

位未改元翰林學士承旨洪遵中書舍人史浩並兼侍讀給事中金安節
權工部侍郎張闡並兼侍講九月兵部侍郎周葵兼侍講十二月敷文閣
侍制提舉萬壽觀錢周材兼侍講。隆興元年四月起居郎胡銓兼侍講
講禮記右諫議大夫王大寶侍講講易是月司封郎中兼崇政殿說書王
十朋除起居舍人陞侍講五月權工部侍郎兼侍講張闡除工部尚書兼
侍讀六月觀文殿大學士左金紫光祿大夫禮泉使湯思退兼侍讀是月
月起居舍人馬騏兼侍講殿中侍御史周操兼崇政殿說書既而操改除
侍御史陞兼侍講。二年四月給事中兼侍講金安節陞侍讀五月殿中
侍御史尹穡兼侍講六月起居郎兼侍講胡銓除權兵部侍郎陞侍讀心
月檢正諸房公事王佐殿中侍御史晁公武並兼侍講閏十一月敷文閣
侍制提舉佑神觀呂廣問兼侍講。乾道元年三月三日吏部侍郎陳俊
卿兼侍讀殿中侍御史章服兼侍講九月試中書舍人侍省兼侍讀權吏
部侍郎魏杞權禮部侍郎王曠權兵部侍郎劉儀鳳敷文閣侍制提舉佑
神觀周執羔並兼侍講十二月省政殿大學士左通議大夫提舉萬壽觀
錢端禮兼侍讀起居舍人梁克家兼侍講。二年五月敷文閣侍制提舉
佑神觀兼侍講周執羔除禮部侍郎兼侍讀。三年八月翰林學士劉珪

兼侍讀中書舍人洪邁右諫議大夫陳良祐並兼侍講。四年六月，中書舍人兼侍講梁克家陞兼侍讀，起居郎胡沂兼侍講。八月，日吏部尚書汪應辰兼侍讀，詔選經筵日與汪涓分輪入侍，先是應辰言兄涓見任起居郎，竊見本朝故事，宋郊與弟祁同舉進士，有司奏祁名第一，郊第三，章獻明肅太后不欲弟先其兄，乃擢郊第一，而置祁第十，蓋雖科舉取士，而亦存兄弟長幼之序。至今以為美談。元豐初，曾肇除史官，元祐間，蘇轍除尚書右丞，亦皆以不應先其兄，肇兄軾為詞，而臣今來事理，又有甚焉者。凡經筵官侍講侍讀，皆賜坐而記言動者，皆立。今臣兄為起居郎，其立固嘗而臣擬以侍讀反得賜坐，弟坐兄立，非止於相先後而已。後漢太尉鄭洪先為司空，第五倫所舉，及正朔朝會，位居倫上，每曲躬自卑。章帝問知其故，因令分隔，其坐由此遂為故事。後以舉將之故而猶有此疑，章帝亦從而別異之。蓋朝廷儀制固不當復論私義，而於私義輕重之間，亦必特有所伸，則為臣子者乃得以安其職。分况弟之從兄，又非舉將之比乎？故乞除臣官觀，故有是命。五年八月十日，中書門下省檢正諸房公事鄭聞除權禮部侍郎兼侍講。辛二月五日，敕文閣待制提舉江州太平興國宮劉章除提舉佑神觀兼侍讀。六年正月二十四日，黃中致仕，除兵

部尚書兼侍讀五月集英殿修撰提舉佑神觀胡銓兼侍讀十月權兵部侍郎王之奇兼侍讀十一月禮部侍郎兼侍講王曦除給事中仍兼侍講吏部員外郎張拭兼侍講。七年三月二十四日權兵部侍郎兼侍讀胡銓除寶文閣待制提舉佑神觀兼侍讀四月給事中兼侍講王曦除翰林學士兼侍讀九月大子詹事陳良翰權禮部侍郎同必太宗正少卿林機並兼侍講。八年三月禮部侍郎李彥頤起居郎蘇嶠並兼侍講四月禮部侍郎鄭聞除刑部侍郎兼侍讀權戶部侍郎沈夏並兼侍講十一月左諫議大夫姚憲兼侍讀。九年九月中書舍人留正王淮並兼侍講十二月二十五日詔權禮部侍郎李彥頤兼侍讀國子司業戴篋先左司諫兼元宗兼並侍講。淳熙七年四月一日上謂輔臣曰兼學士院權直欲更差一員趙彥中如何趙雄等奏彥中宗室之秀嘗中詞科又好學正堪此選於是除彥中兼學士院權直時彥中為秘書郎十三年十二月九日詔學士院減守闕驅使官二人厨子并灑熄打併看管兵士各三人院子一人以司農少卿吳燠議減冗食下敕令所裁定故有是命。淳熙十六年七月十五日以禮部侍郎李燾兼直院時尤袤乞言祠改有是命紹熙三年三月十日以權禮部尚書兼直院李燾為翰林學士五年五月二十四日

以中書舍人樓鑰兼直院慶元二年三月十一日詔今後如過鎖院令
當日宣麻舍人同共鎖宿可令宣麻舍人至隨御藥先出院宣制餘依已
降指揮五年九月二十一日詔學士院創蓋玉堂殿止用玉堂為名

表注

此條原夫
在本卷第
五十九頁內

河東永興軍節度致仕

事畧云元豐三年除太尉判河

第廟坐以見監司既交府事見監司府官如常式或以
問彦博曰吾未視府事三公見庶僚也即交印河
南尹見監司矣六年
讀老拜太師致仕
於是彦博免守太師及兩鎮節度

宋會要 知制誥

太宗雍熙三年十月六日以著作郎直史館李沆宋湜左拾遺王化基並為補闕知制誥太宗素聞沆與湜有文學會化基上章自陳因令中書各試制誥二首帝覽而嘉之故有是命仍各賜錢百萬

宋會要 知制誥

雍熙四年二月以右補闕知制誥范杲為工部郎中知京兆府從其所請知制誥出領外藩自杲始也 雍熙四年九月以主客員外郎知制誥宋準為金部員外郎先是知制誥罷職多拜諫議大夫準以病故也

宋會要 知制誥

淳化元年右正言直史館馮起自西川轉運使召入守本官知制誥不數日追寢出起知濮州時鄭昌嗣使蜀回言起政事懈緩故罷其命

宋會要 知制誥

真宗至道三年未改元 四月以工部郎中史館修撰梁周翰為駕部郎中知制誥故事入西閣皆中書召試制誥三篇二篇各二百字一篇百字雖周翰不召試而授焉其後薛映梁鼎揚億陳克佐歐陽修亦如此例

宋會要 知制誥

乘以兵部郎中知制誥為左諫議大夫罷職時乘章叙用官制有頃因微累謫于遐荒之句真宗覽之曰若是即先朝失刑矣故有是命咸平二年四月以度支郎中知制誥張茂直授祕書少監罷職出知潁州茂直以年老罷職咸平三年十月詔職方郎中直祕閣黃夷簡主客員外郎直史館曾致堯試知制誥于學士院時宰相張齊賢薦二人堪掌書命寄有急制值舍人出院即封除自命夷簡草之及是召試物議未允遂罷其命夷簡遷光祿少卿致堯任戶部員外郎

宋會要知制誥

天禧三年十二月知制誥晏殊等言本院書籍殘缺惟帳什物多弊公用錢亦少望賜國子印本群書令儀鸞司供帳冬季三司給炭仍增賜公用錢詔增月給為三十千餘從其請

宋會要知制誥

仁宗天聖三年以吏部郎中知制誥知登州張師德遷左諫議大夫近制舍人多次補學士時師德首冠西掖會擢錢易為學士以師德被疾遂特遷官罷職天聖四年五月命知制誥蔡齊章得象為翰林學士起居郎直史館李仲容等四人知制誥時閣下惟齊得象在院遂命翰林學士夏

疎草制 景祐元年知制誥鄭向齊偃李叔知貢舉閣下闕官又命翰林
學士石中立張觀權且草制

宋會要知制誥

寶元二年五月十八日知制誥舉正等言舍人院重修閣畢合撰記文錄
學士宋庠任知制誥日建議修閣頗詳始末乞令差宋庠撰文從之 康
定二年正月十九日樞密院言自來新除知制誥閣門賜告勅後即申本
院以兎劄付入內侍省中謝日賜對衣庠帶詔閣門今後畫時中樞密院
慶曆五元二月十四日知制誥張方平等言知制誥楊察服除入院所
有班著乞依先入名次從之

宋會要知制誥

嘉祐元年十月二十八日知制誥韓絳言蒙恩授臣龍圖閣直學士知藏
州况翰林學士知制誥自來非同陳乞外備未嘗差出望賜裁處而翰林
學士歐陽修等言乞且留絳依舊供職從之

宋會要知制誥

神宗熙寧三年四月知制誥宋敏求論除署職官為御史非國朝舊制以
疾乞解職詔罷知制誥餘所領如故

宋會要 北國志 知制誥

太宗雍熙三年十月六日以著作郎直史館李沆宋湜
左拾遺王化基並為右補闕知制誥太宗素聞沆與湜
有文學會化基上章自陳因令中書各試制誥二首帝
覽而嘉之故有是命仍各賜錢百萬

宋會要

雍熙四年二月以右補闕知制誥范杲為工部郎中知
京兆府從其所請知制誥出領外藩自杲始也 雍熙
四年九月以主客員外郎知制誥宋準為金部員外郎
先是知制誥罷職多拜諫議大夫準以病故也

宋會要

淳化元年右正言直史館馮起自西川轉運司召入守
本官知制誥不數日追寢出起知濮州時鄭昌嗣使蜀
回言起正事懈緩故罷其命

宋會要

真宗至道三年未改元四月以工部郎中史館修撰梁
周翰為駕部郎中知制誥故事入西閣皆中書召試制
誥三篇二篇各二百字一篇百字維周翰不召試而授
焉其後薛映梁鼎楊億陳堯佐歐陽脩亦如此例

宋會要

兼以兵部郎中知制誥為左諫議大夫罷職時東草叙
用官制有頃因微累謫於遐荒之句真宗覽之曰若是

即先朝失刑矣故有是命 咸平二年四月以度反即
中知制誥張茂直授秘書少監罷職出知潁州茂直以
年老罷職 咸平三年十月召職方郎中直秘閣黃夷
簡主客員外郎直史館曾致堯試知制誥於學士院時
宰相張齊賢薦二人堪掌書命嘗有急制值舍人出院
即封除自命夷簡草之及是召試物議未允遂罷其命
夷簡遷光祿少卿致堯任戶部員外郎

宋會要

天禧三年十二月知制誥晏殊等言本院書籍錢缺惟
帳什物多弊公用錢亦少望賜國子印本群書令低價
司供帳冬季三司給炭仍增賜公用錢詔增月給為三

十千餘從其請

宋會要

仁宗天聖三年以吏部郎中知制誥知登州張師德遷
左諫議大夫近制舍人多次補學士時師德首冠西掖
會擢錢易為學士以師德被疾遂持遣官罷職 天聖
四年五月命知制誥蔡齊章得象為翰林學士起居郎
直史館李仲容等四人知制誥時閣下惟齊得象在院
遂命翰林學士夏竦草制 景祐元年知制誥鄭向胥
偃李淑知貢舉閣下闕官又命翰林學士右中立張觀
權且草制

宋會要

寶元二年五月十八日知制誥舉正等言舍人院重修閣筆合撰記文綠學士宋庠任知制誥日建議修閣頗詳始末乞令差宋庠撰文從之 康定二年正月十九日樞密院言自來新除知制誥閣門賜告勅後即申本院以憑劄付入內侍省中謝日賜對衣犀帶詔閣門令後畫時申樞密院 慶歷五年二月十四日知制誥張方平等言知制誥楊察服除入院所有班著乞依先入名次從之

宋會要

嘉祐元年十月二十八日知制誥韓降言蒙恩授臣龍圖閣直學士知瀛州况翰林學士知制誥自來非因陳

乞外補未嘗差出望賜裁處而翰林學士歐陽修言乞
且留絳依舊供職從之

宋會要

神宗熙寧三年四月知制誥宋敏求論除幕職官為御
史非國朝舊制以疾乞解職詔罷知制誥餘所領如故

全唐文

宋會要

侍儀

淳熙元年八月二十三日以侍御史宋延祖兼侍講十一月二十六日祕書省著作佐郎鄭僑輪對因言祖宗朝每日召見讀講官至仁宗時始有間日一講之制上曰自太宗真宗始置侍講讀官於聖學尤為留意十二月二十三日給事中留正兼侍講。二年三月十六日以給事中兼直學士院胡元質侍御史范仲邑兼侍講。二十一日右文殿修撰周必大除敷文閣侍制兼侍講。五月十八日以左司諫湯邦彥兼侍講。三年九月二日以兵部侍郎兼直學士院兼太子詹事魚侍講。

周必大陞兼侍讀禮部侍郎兼同修國史兼寶錄院同

修撰李燾兼侍講。六日以中書舍人林光朝兼侍講

。八月十九日以中書舍人錢良臣兼侍講五年四月除給事中

仍兼五年四月八日以禮部侍郎齊慶胄兼侍講

九月八日以中書舍人兼修玉牒王希呂兼侍講十四

給事中。七年四月二十五日以侍御史黃洽兼侍講

同日以戶部侍郎兼詳定一司敕令陳峴兼侍講。淳

熙十六年五月二十八日宰執進呈謝諤仍兼侍講。

上曰諤供中司之職已久而全不言事恐其不能任此

責改移之優閑之地可令仍舊兼講筵其人却該通經

學。六月十四日詔權戶部尚書葉翥兼侍講。九月

彭

六日詔擢戶部尚書葉蔭兼侍講右諫議大夫何澹兼侍講。紹熙元年三月一日詔擢吏部尚書鄭詹兼侍講。二年二月一日詔中書讀權吏部侍郎陳駸兼侍講。四年四月二十五日詔吏舍人兼直學士院倪思兼侍講。五月四月二十一日詔給事中邵侍郎羅點兼侍講。三年三月二十一日詔給事中尤袤侍御史林大中並兼侍講。五年正月二十四日詔顯謨閣待制兼皇子嘉王府翊善黃裳兼侍講。紹熙五年八月中書舍人傅良兼侍講。十一年起居郎黃由起居舍人沈有開侍御史章穎兼侍講。十一年起居舍人劉光祖吏部侍郎孫逢吉兼侍講。十二年右諫議大夫張叔椿兼侍講。慶元元年正月給事中林大中兼侍

銓

講。二月起居舍人陳士楚兼侍講。四月右諫議大夫李沐侍御史楊大瀆兼侍講。五月戶部侍郎袁說友兼侍講。七月殿中侍御史黃備右正言劉德秀兼侍講。二年正月起居郎魯三復兼侍講。四月中書舍人汪義端吳宗旦兼侍講。八月吏部侍郎許及之殿中侍御史姚愈禮部侍郎楊輔兼侍講。三年三月中書舍人謝源明兼侍講。八月殿中侍御史張舜兼侍講。四年正月中書舍人高文虎右正言劉三傑兼侍講。八月吏部侍郎張孝伯兼侍講。五年七月右諫議大夫陳自強兼侍講。八月吏部侍郎范仲藝右正言程松兼侍講。十月殿中侍御史張巖兼侍講。

十二月權吏部侍郎費士演兼侍講 六年正月 中書

舍人陳宗召兼侍講 二月中書舍人張伯垓兼侍講

四月侍御史汪義和兵部侍郎趙介兼侍講 嘉泰

元年二月殿中侍御史陳謹兼侍講 七月殿中侍御

史林采兼侍講 八月中書舍人邵文炳右正言施康

年兼侍講 九月中書舍人萬鍾兼侍講 二年五月

權吏部侍郎張伯垓兼侍講 八月中書舍人王容殿

中侍御史張澤右正言鄧友龍兼侍講 十一月禮部

侍郎張濤兼侍講 閏十二月左司諫宇文紹節兼侍

講 三月八月侍御史陸峻右正言楊炳兼侍講 九

月中書舍人顏穡兼侍講 十一月給事中蕭遠兼侍

講 四年四月華文閣侍制提舉佑神觀薛叔似兼侍

講 八月右正言林行可兼侍講 開禧元年三月右

諫議大夫李大異兼侍講 四月侍御史鄧友龍兼侍

講 六月右正言婁機兼侍講 八月左司諫易祓兼

侍講 二年正月殿中侍御史徐珙兼侍講 七月左

司諫毛憲兼侍講 十月右正言朱質兼侍講 三年

正月吏部侍郎衛涇兼侍講 吏部侍郎雷孝友兼侍講

二月資政殿學士提舉萬壽觀錢象祖兼侍讀 三

月右正言葉時兼侍講 十一月左司諫王居安兼侍

講 十二月殿中侍御史黃疇若禮部侍郎章良能兼

侍講 嘉定元年正月中書舍人蔡右學兼侍講 八

竣

月禮部侍郎許奕兼侍講 十一月左諫議大夫傅伯
成兼侍講 二年正月刑部侍郎章穎侍御史陳晦兼
侍講 十月左司諫劉棗右正言黃中兼侍講 三年
二月左司諫林瑛右正言范之柔兼侍講 四年九月
殿中侍御史徐宏兼侍講 五年三月左司諫鄭昭先
右正言董居誼兼侍講 十月右正言石宗萬兼侍講
六年二月右正言金式兼侍講 五月右正言應戈
兼侍講 七年正月右正言黃序兼侍講 十一月右
正言倪千里兼侍講 九年正月吏部侍郎徐應龍兼
侍講 九月右正言李楠兼侍講 十二月右正言劉
棗禮部侍郎表燮兼侍講 七月左司諫盛章右正言

李安行兼侍講

十二年五月右正言胡衛兼侍講

十三年正月刑部侍郎愈應符右正言王元春兼侍講

三月右正言張次賢兼侍講 十二月殿中侍御史

張攀兼侍講

十四年八月禮部侍郎揚汝明右正言

襲益卿兼侍講

十五年十月右正言方猷兼侍講

十六年二月殿中侍御史朱端常兼侍講 三月左司

諫李伯堅右正言葉禾兼侍講 九月兵部侍郎杜孝

嚴兼侍講

此條已補入
侍講門類
原刪講筵

講筵所

京都雜錄東京大內講筵所舊曰說書所寓資善堂慶
曆初改今名曰講筵所大典卷九百四十一

所名緣侍讀侍講多言講筵所事未便另立一尚亦未便將講讀門內
事抽出歸此門故也

此條已
補入侍
講內

講筵所

淳熙十三年十二月九日詔講筵所減祇應御書一人
手分一人投送看管灑掃兵士二人以司農少卿吳燠

議減冗食下教令所裁定政有足命